

海康縣志

學校志

縣學 學田 附

祭器 社學

樂器 書院

學校之設所以翊聖教而育人材地最重也博士學官秩散而其體嚴味澹而其化遠高賢大良於是焉出囂悍強悖於是焉柔遐取僻壤一不被官墻之教比於羅刹雷雖天末俎豆文物海濱鄒魯不彬彬學校乎哉履之蹈之則有望於子弟者埏之植之則有望於教子弟者作學校志

海康儒學

海康儒學宋以前未之建學官生徒就遂溪之文明書院為學儒籍則附諸府元至順三年教諭凌光謙始遷建於迎恩坊光謙自為記

雷即舊為古合州分海康遂溪徐聞為三縣今二縣皆有學而海邑獨無縣之儒借附於郡學名不副實甚非所宜帥聞擬注學官皆設教諭因循者滿官不乏人學非其地至順壬申謙忝供前職謂夫海康附郭縣也而學遠寄於遂邑藍海之邊其不可明矣僕有志於正名建學經度甫及歲餘而學祭期適屆請於憲司幕長湛川郭公詢其所以行郭公明于任事意亦欲歸其學於縣邑乃就雷城內得地於迎恩坊城隍廟之廢址又得民地



建屋一所於是買屋與地通用鈔三十二錠
孰斃木石梓匠之費皆官師生徒各輸其力
以助厥成乃於榛棘中鳩工規畫新建殿宇
門廊堂櫺星東西二齋凡二十有六間至順
三年十月二十有八日造創大成殿是歲臘
月既望奉塑先聖像卻侯禿魯迷失復捐
俸列塑四國公彩繪兩廡從祀于位向非郭
公力主其事曷由恢復臻此乎僕踈陋姑叙
其叙建之
巔未云

至正六年廉訪使呂珣僉事觀音奴重脩

明洪武三年知縣陳本火加營建脩大成殿
兩廡櫺星

門戟設明倫堂於殿西設兩齋
日進德曰脩業庖厨廩庫咸脩

洪武三十年同知張伯玉訓導黃自守趙孔

進永樂元年教諭林仲餘相繼重脩建射圃

於南城外文昌坊東扁曰觀
德亭

正統九年知縣胡文亮相學卑隘拓其地重

建之

成化十四年憲副陶魯提學僉事趙瑤通判

劉鎮遷于郡學西其年傷于徭學并入府學

弘治九年復歸于舊地先是省祭官何璉因
地方剝破奏併入府

學至弘治丙辰郡守陳嘉禮知縣
林彥脩具疏遣本學生員田安奏復

十七年遷學于郡治東今學即海北道舊址
僉憲方良求以舊學

弗稱命推官李文獻教諭鄭寬因舊補葺暫為藏脩之地

正德八年御史周謨脩明倫堂齋號舍暨學

官解宇

九十六
餘間

十年即守王秉良建二坊於門外

東偏毓秀
西偏掄才

十六年遷于洙池公館嘉靖三年復于舊地

四年僉事李階視舊址隘廟宇頽圯拓而建

之

捐金五百餘兩
買指揮馮欽地

知府楊表黃行可推官徐繼達相繼鳩工建

大殿兩廡儀門櫺星門敬一亭飾明倫堂師

宅號舍俱備復鑿泮池闢學前路建三坊日中

大成東曰育才西曰章
國即毓秀掄才舊址

教諭吳道賢請行釋菜禮

祭酒倫以訓記

海康雷陽首邑也邑儒學宋在文明書院元
在郡城之迎恩坊國初因元舊洪武三年邑
令陳本脩之成化間遷於郡學之西則以南
方師命孔殷學職停銓郡學官兼攝教事而
學亦隨遷也正德初始選今地為海北道舊
址則以南方隔率謚復備學僚而僉憲方公
良永洙遷焉嘉靖壬午督學憲副魏公校再
遷於洙池公館而不果歲乙酉僉憲李公階
至則美矣而地狹直不足以定遷哀公積得
五百金以金百餘買馮氏之居地學宮之遷

增倍焉以金四百為建脩費李公他遷即僚
承委者不終厥事晉江洪侯富以名進士秋
官即領印如意經畫政通人和首興茲廢同
府趙侯伸通府楊侯伯謙咸相之而推府徐
侯達董其成先闢其前通衢東西軒直式稱
壯觀先師廟歲序講堂咸飭舊增新作兩廡
兩齋前樹重門門間為泮池後建庫廚師居
苟翼諸生號舍總之凡百數十楹規模宏整
用器俱備期以月朔詢上即庠厥望則之邑
庠云丙申夏侯莊任丁酉秋學宮訖工督學
食憲吳公鵬增直弟子員以嘉新學使來請
記願有以進諸生余昔聞海濱鄒魯之說而
竊隘之吾廣濱海之郡七廣州居其中東則
惠潮而閩地益東其民益文西則肇高雷廉
邕桂地益西其民益質廣之俗美惡參焉凡
其美者皆質之存也凡其不美者皆文之靡
也如欲興聖賢之道教其必先於質勝之地
乎若或鄙野而淳古俱存如耳斯和自斯采

吾茲有望海康也邦人士無負賢侯興
學之意余言尚亦有徵并書以記

二十四年即守林恕知縣楊澄建拱門改學

西路于其東三十三年署縣事推官袁珠重

脩萬曆五年學圯壞採通學議支官帑脩聖

殿兩廡明倫堂二齋建啓聖祠暨門樓增設

師舍教諭衙門後林詔復自建穿堂二間後屋五間

萬曆二十一年知縣秦懋義建文昌閣于儀

門樓前委主簿王景董其事仍清
絕戶餉銀支辦春秋祭事

尚書王弘誨記

海康縣秦君為政之明年建閣于賢宮之左
而名之曰文昌閣閣之所以建非徒以侈觀
美元文具爾也在邑諸生所為來請記者曰
吾邑為雷陽冠冕雖僻遠海取然亦具有司
應命典職貢賦藝不後他縣而人才之生寥
簡吾父母秦侯以是為病甫下車即遴選多
士月九三校親為品騰閱閱不啻父師之望
子弟也已復詢形家者言即東寥曠氣散宜
有雄鎮屹然後風氣停蓄人民由此不廢乃
於癸巳春捐俸金一百兩有奇屬邑博士謝
君戶君分任庠士馮文燦歐思明江南征吳
啓聰等聚材鳩工拓地于賢宮東偏為閣五
楹高一丈九尺深廣稱之經始於正月之望
以三月落成設文昌帝像於其中崇祀之自
是傑閣巍峩輝映霄漢奎光朗耀士民瞻仰
每一登眺閣而左滄溟右文筆湖山景物歷
歷可望而視庠序振乎如腋生兩翼特起層
霄之上而觀者不覺其翹首矣此侯之大有
造而闔邑縉紳兆庶願為勒石紀伐以垂不
朽者也余觀史稱文昌斗魁戴筐六星一曰
上將二曰次將三曰貴相四曰司命五曰司
中六曰司祿樓神記則以其降神于蜀率象
神而祠之令文昌在在祠似不盡係于文
事而貴相理之緒司祿賞功進士則人之所
由昌常必因之秦侯建閣以奠風氣而崇祀
文昌義或取諸此乎秦君名懋義浙之仁知
人為予已丑典校南宮進士其令海康善政
不可殫述此特其關於學校者謝君名嵩番
禺人戶君名思怒東莞人督工
主簿王景長興人法皆得書

二十四年齋舍圯教諭徐肯播修三十二年颶風

聖廟啓聖祠兩廡明倫堂俱壞同知張儒象教

諭鄒瑗重脩建內堂改文昌閣于大門三十

六年衆議司監逼街學前風水不便推官葉

際英徙于衛中所謫雷原任御史樊玉衡記

海康縣再徙而當府治之東其前爲鎮撫獄

云堪輿家謂其風氣弗宜人文弗利徙之便

蓋四紀於茲矣而謀之徒動叩之莫應豈非

改作之難而仍舊貫之易易乎哉然非所以

辦官方右文治也頃歲諸生亟以爲請督學

朱公潘公直指沈公咸亟是之若守巡當道

伍公林公蔡公海防張君先海康令鮑君復

亟贊之顧猶然議也豈有待耶其所待者又

有待而然耶司理葉君甫下車既視其縣事

閱故牘得之毅然奮曰是不難於徙之資耳

夫我欲徙而使人任資乎且也任之士則莫

爲適任之官則莫爲名獨身任之耳於是計

之爲費六錢有半出橐中金授之吏立徙於

衛之中所不日而告成事無中格無旁撓無

帑糜無輿駭捷若振槁昭若發矇函織去而

清淑來吉祥至而科目盛海康士其自此有

興乎先是君首築萬全堤引特侶塘水東旋
灌東洋田乃濬山庵源水西城環遠學宮以
復全雷風氣之舊膏與茲舉相類而捐金亦
復稱是雷父老爲請於許給諫旬南碑之諸
生德君甚復欲予言予不佞故君之向者信
州理也其於諸君深而又以言竄雷者十年
其知雷事亦深竊謂舉不難于君之任而難
於君之捐不難於捐而難於君之却羨省贖
嗇於取而捐夫其能爲嗇者則其能爲捐者
乎君又後先視其守篆若懷蘇之堂寇李十
賢之祠西湖之亭榭東洋之溝洫外則城隍
內則堯鑰近則園圃遠則陂田靡所不拮据
而亦靡所不布施使人盡如君即天下何不
可爲而使君遂爲之其所建樹菲僅僅如斯
而已乎海康孫君亟悅君之舉茂也而使視
予掌故予視之良然即雷多頌名無以易君

英君諱際英字去華別號念淳信之貴溪人
舉於萬曆乙酉迴翔宦轍所至皆有名蹟其
曾大父大父世為良二千石至今藉甚居
仕學淵源益有本云餘備載碑陰不具書

三十七年齋堂壞訓導立民建三十九年知

縣張和訓導黃煥陽建魁星亭于啓聖祠前

煥陽又置題名二
扁於明倫堂側

天啓二年教諭趙揖脩砌學宮泮池橋道

國朝康熙四年知府陳元忠知縣夏日昌重建

學宮聖殿明倫堂兩廡廊舍推官何芳騰記

海康為雷陽首邑考之志書宋以來未有建
學也元至順間始嘗焉較他邑獨後嗣是幾

更遷徙廢興靡常迨明萬曆之季始定今地
俯仰數百年間每歎昔人崇尚文教創興之

難而繼起之不易易如此也我
國朝定鼎以雷居天末山海類蠹城邑丘墟時

類征討兵馬雲集海邑澤宮竟作馬牧之場
不獨殿廡齋廡蕩然無存而斷碑舊址且沉

埋於瓦礫蔓草中幾無復辨之者矣順治十
八年辛丑夏會督學顧公脩復為議尋即遷

去弗果及守憲朱公下車以來興起文教為
任下其議堂尊陳公公曰邑學之建實縣官

事也吾宣化首及焉曷敢後諸即檄海康令
張大經司教陳而偉司訓黃昂尋按舊址庀

材鳩工凡木匠工役之費多陳公積累所以
俸錢購募以佐捐助之所不及自順治八年

九月十八日興工至康熙三年五月二十九
日始告厥成益拮据之苦經營之久比昔人

有什佰者一時殿宇巍巍兩廡翼翼櫺門泮
澤之間且莘莘青青為規麗備極壯觀邑人

士咸曰吾邑僻居海濱曩時承平物力充叔
學宮建且後時中更遷移經數十年弗定今
當此荒殘日久士類憔悴學業榛蕪吾儕一
旦得履斯地登斯官瞻先聖之靈光復絃
歌之舊業伊誰之造敢忘所自請記於陳公
公曰吾盡吾心以副上臺為朝廷育才至
意曷用記諸邑人士請於余余曰爾諸士惟
體公之心以趨向聖賢之道無忘上臺為
朝廷育才至意雖海邑猶鄒魯可也雖一日
猶萬年可也則余明刑願以弼教亦惟述公
之言共與爾諸士勉之諸士
能無忘斯言即為記可也

康熙二十五年奉文脩葺學宮

先是學宮連
年颶風倒塌

知縣鄭俊教諭黃濂捐俸首倡會集弟子員
題助重脩聖殿明倫堂兩廡櫺星儀門齋舍
完竣迄今
煥然改觀

康熙二十五年奉

旨製

御書萬世師表四大金字扁懸掛學宮

祭器

樂器

本學舊釋菜禮止行一獻萬曆
三十年知縣林日所始照府學

行三獻禮舊止銅爵十六錫香爐二錫燭臺
二銅香爐一銅燭臺二小花瓶二帛盒一追
教諭鄒瑗始造木豆二百生員吳啓聰陳槐
置白盒六粗具祭事而古制祭器樂器全
未設後之良有司崇
理祀者尚加之意焉

文廟祭品

鹿一

羊二

豕二

共二百觔水府學
帖米胙肉五十觔

帛九疋

黍

稷

稻

梁

鹽魚

藁魚

棗

柿

栗

荔枝

龍眼

餅

蕕

菁

芥

筭

醢

香

燭

啓聖祠祭品

羊四十

豕七十

兩廡祭品

羊二六十

豕二一百

祭期

每歲春秋二仲上丁日

儀禮

每祭前三日齋戒沐浴更衣二日散齋一日

致祭前一日迎牲獻官常服詣牲所省牲是

日之夜獻官陪祭官俱詣學幕次上宿及獻

掌印官行三獻禮僚屬教官行一獻禮

書籍

四書

易經

詩經

書經

春秋

禮記

史記

十一部

三

大學三書

論語外篇

學田地舖舍

東洋祿厚汶裏大井等處早晚田共種子二

十三石九斗一升二合五勺一抄二撮稅一

頃零三畝零一釐五毫三絲六忽萬曆十年知縣沈汝

梁捐銀一百兩置買每年租錢一萬零七百

二十七文內除納糧錢二千八百八十文尚

存剩錢八千四百四

十七文供給會課

丘凌霄記

吾父母沈公思庠士之有志率及累於貧窶

而學田未建甚非所以體恤寒士以副國家

育才至意也自捐銀一百兩謀之司教連江

林君詔司訓高要陳君槩議其事而召庠士

梁棟馮文煥詹有象李能白陳材吳啓聰等

領金買附郭田一項三畝一厘零歸之學宮

歲時之租稅惟學之職教者主厥計而於常

廩頒給之外凡士無以為養無以為禮者咸

得以便宜周之歲成月安總不稽於監司其

賦稅一律民田科歛省其征徭例有兼優者

照之使無繁其征而日蝕其儲焉是不惟均

田賦以恤民窮抑且興曠典以恤黌士聖天

子德意公其善推之矣

草蓄早晚田共種子一十一石五斗載稅五

十七畝五分三十五年署府事廣州府推官

印兼捐銀五十兩置買每年租

尚存剩錢八百文內除納糧錢一千六百文

尚書王弘誨記

新安邵公起家經術拜珠官司理以廉明稱
監司直指使咸禮重之會雷決守當道議攝
其事無如公者至除煩苛釐宿蠹清稅額疏
河渠一時利無不興而加意青衿謂溘海百
十年來士氣索然繇養之者無資作之者無
術於是飭其師長躬禮讓嚴規條以時考課
又念葦歌之婁可憫也乃積贖錢五十金買
鄭宗王草蓄田一所受種一十一石五斗該
糧一石八斗有奇歲入其粒以業貧乏不惟
困窮者獲其所資藉益奮於學即縉紳黎庶
莫不踴躍蒙恩之士不忍泯泯無傳也受命
傳士鄭君瑗丘君民象弓余言以志不忘夫
君攝似非專職鮮不傳舍視之即懼曠官亦
未有抱根本之慮垂經久之畫如公者所稱

循良卸理茂以加矣遂為之記其畧云公
諱秉別號素予由鄉進士世家南直之休寧人

萬特田一號種子一十石稅四十六畝正十三

八年儒官莫天然捐銀五十兩置買歲租穀
五十石折銀五兩除納糧銀一兩五錢存銀
三兩五錢解府貯庫給兩學科舉盤費之用
續後拾安攬西廳田入府學亦為兩學科舉
通融取給詳見
府學余元岳記

文添譚等處田園共稅一十六畝七分四釐

三十九年知縣張和查出欺隱絕戶田產詳
允發學每年租錢七百文除納糧錢三百文
剩存錢四百文
給貧生燈油

學地每年租錢共二千零八十文存學公用

學舖三間每年租錢一千零八十文存學公用

社學

海康在城社學七衛社學一鄉社學二十有四

成化十四年提學趙瑤令即守黃瑜舉社師
二名立社學二所教子弟至即守趙文奎益
之三四後
增至四

東關內社學 在忠義祠後嘉靖 今廢

東關外社學 在北府廟南嘉靖 今廢

南關內社學 在樂安坊知縣郭載 今廢

南關外社學 在南關外登雲 今廢

西關外社學 在西門秦公祠南嘉靖 今廢

北關內社學 在海北道左知縣 今廢

北關外社學 在那廬坊嘉靖 今廢

衛社學 在衛治內東側舊 今廢

鄉社學 凡二十四不具錄大社設二學或三

此外有文昌社學在調會坊文昌祠舊

書院五

平湖書院 取蘓公西湖平扶元生之語傾圮
康熙二十五年冬知縣鄭俊捐俸

修復諸生
就學其中

懷坡書院

東接秦公祠正德戊寅知府王秉良建今傾圮

崇文書院

嘉靖二十三年即守羅一鸞建立縣治西至萬曆元年唐汝迪脩葺

六年奉勅今廢為雷陽公館七年知縣沈汝梁因縣衙圯改為縣後堂堂後構小亭名後

樂亭後又修為正衙

文會院

萬曆三十年分守道袁茂英建於西門內直街習儀公署西房屋十四間

一門樓

雷陽書院

在府城外天寧寺懷蕪堂之北崇禎九年即士民為太守朱公敬衡

立祠公曰無以為也無已則雷諸書院廢士子無課業所請以為之于是捐俸以佐士民之樂助者中為堂三棟堂之後為重樓左右廡各為書舍翼以小樓為觀眺之大之所西望

西湖東揖即城前一座為門廊外東向為大門榜曰雷陽書院路拆向南題曰第一山奉祀蘇三賢于正室以為督學朱公恒岳配之設梓潼帝君像于樓上提學魏浣初本道莊元禎記今焚于兵火臺址存焉

秩祀志

廟 壇 祠 寺 觀

天子柔百神其自畿而外郡邑之壇壝蓬豆不領於祠官有司得以其歲徧之數則煩疎則怠益其慎也雷以文王與人感於其故沿而為叢祠巫史者臣境不人事之務而惟鬼是求相于淫矣夫祀有正有邪闢邪崇正即

典也諸非特建者弗錄風雲雷雨山川社稷
城隍及厲與民素虔事者秩而彰之庶幾哉
反經乎作秩祀志

府學 海康附

聖廟 歷代建置詳見學校茲錄嘉靖後祀典
嘉靖九年肅皇帝從輔臣摠議作正孔

子祀典說改大成至聖文宣王為至聖先
師孔子四配為復聖顏子宗聖曾子述聖子
思子亞聖孟子從祀及門弟子稱先賢左丘
明以下稱先儒去塑像設木主罷公侯伯諸
封爵中黨中張二人存張公伯寮秦冉顏何
荀况戴聖劉向賈逵馬融何休王肅王弼杜
預吳澄十三人俱罷祀林放蘧伯玉鄭眾盧
植鄭元服虔范甯七人祀於其鄉進後蒼王

通胡瑗歐陽修從祀又以行人薛侃議建陸
九淵從祀改稱大成殿為先師廟大成門為
廟門祝文樂章凡稱王者並易為師樂舞用
六佾歲以春秋二仲上丁日致祭如儀陰慶
五年以薛瑄從祀萬曆十二年以王守仁陳
獻章胡居仁從祀四十年又以羅從彥李
侗從祀雷府縣
學制俱遵此

名宦祠 在文廟西即守何廉戴之印薛直夫
孟安仁陳大震虞應龍烏古孫澤昌

名宦祠 在文廟西即守何廉戴之印薛直夫
孟安仁陳大震虞應龍烏古孫澤昌

鄉賢祠 在文廟西舊在西湖上祀宋吳國鑑
紀應炎元陳杞王景賢明朝陳九思

名賢祠 正德丁丑即守王秉良改建今所增
祀黃惟一何元媚李璿
王吉康時雍馮彬六人

社稷壇 元天曆廉訪使賈煥建于府治西南三里王士熙記明初遷於城西北元寧寺後壇基崇三級階四出東西三丈五尺南北二丈五尺廚庫宰房傾圮遺址尚存仲春仲秋上戊日祭

風雲雷雨山川壇 在天寧寺西舊在郡西南坡距府治二里嘉靖七年知府楊表建於府城外西隅十六年知府林恕改建新城內文富坊舊東坡書樓基址內建神臺冰屋三間拱門扁勒南壇二字今為民居壇隸於新城內東迎洋門其制與社稷同每春秋仲月上巳日祭焉

城隍廟 在府治東鎮寧坊元祐間建於元帥府東元仍舊址因圮重脩張復新記洪武五年建於文廟西嘉靖元年提學副使魏校毀元妙觀癸未即守易泰修其舊守而

改建之至萬曆六年廟宇傾壞即守陳九仞修建神堂大屋三間扁書昭鑒二字添建拱蓬耳房六間俱塑神像後蓋屋三間塑神母像耳房四間各有神像冰大門建樓二層扁金字書城隍廟兩傍塑神馬二像萬曆二十六年復傾壞即守伍士望重脩制如前增建鐘鼓二樓復置香燈田舖有碑記

厲壇 在府治北二里崇土築陛三級高三尺旁設廚房三間繚以周垣春祭用清明秋祭用七月望日冬用十月

颶風壇 原在府東十里嘉靖戊戌即守洪富因颶風頻年翳害乃即海岸為壇東西十二丈南北十丈旁設廚房庫房每年夏秋冬孟月朔日行折報禮今改遷於郡北郊五里設壇望祭

伏波廟 在郡治西南一里許西漢印離侯路傳在郡治西南一里許西漢印離侯路

伏波將軍號有功于嶺南雷人立祠祀之
又祀址存知府馬玉麟捐俸重建有碑記

英山雷廟 在郾城西南八里英榜山古記陳
大建間陳文王登第為本州刺史

歿後神靈顯著州人立祠祀之鄉稱為雷種
故以雷名廟舊在州東北五里英靈村後梁

乾化間風飄廟宇二梁於英榜山石神堂西
因徙廟就焉東仍塑石神像西塑漢李太尉

像列而為三南漢大有十三年封靈震
王大寶十三年增封靈顯明昭德王

天師廟 在東城門外舊有北府祠萬曆四十
一年公舉之鄉民陳觀瑞等呈府准

建天師廟宇二座門樓一座扁曰福國庇民
國朝 癸巳年海北甯道陳嘉善合郾文武官復

建上座乙巳年本府知府陳允忠闔郾文武
鄉紳士民復建中座門樓即人洪泮洙有記

關王廟 在府治東北朝天街洪武間指揮周
肅趙興朱瑛即萬戶府舊址創建成

化間指揮顧雲重修弘治間太監傅倫建大
門扁曰義勇武安關王正德間千戶王英建

二門武臣歲祀之嘉靖掌印指揮顧賢相凌
漢僉事指揮梁國賓相繼脩理歲久頽壞萬

曆五年掌印指揮顧汝錫雷陽叅將陳濂助
脩重新正堂廳堂門樓及拜墜甬道左右齋

尉咸備通判林楚親書
萬古精忠扁額于祠

寧國夫人廟 在郾城南寧國坊五代閻聲教
不暨以強凌弱即有一女子或

云姓李勇敢強力舉或信服相與築城禦寇
女子為之帥南漢歸順餘黨剽掠皆為女子

所敗一方頽之及歿眾號為寧國夫人立廟
祀焉治元十九年宣慰使朱郭重建元末傾圮

天妃廟 在郾城水南序坊廟有銀
器祀田監廟者沿主之

文昌祠 在府南城水調會解元坊歲久祠圮
址存弘治間太監傅倫遷于叅將府

前嘉靖九年提學魏校
毀之今改建忠義祠

東嶽廟

在郡北城水孟安人建即博王應午
記成化間指揮顧雲等繼葺儒士符

瑛記嘉靖元年提學魏校毀之原內宦趙蘭
置田二庄以供廟事嘉靖三十二年即守羅

一鸞委劉義民督工重建給前田令管業以
主廟事萬曆二年即守陳九仍復給與鄉民

莊蔭承管修整
房屋見今奉祀

真武堂

在南閩水寧國坊寇萊公所舍之倚
天聖改元秋秋夜半星隕南園池中

萊公使人求之得一石因即其地建真武堂
即人欽奉之建炎間即守以堂近市非便遷

天慶觀中由是海即連歲不登紹興辛酉即
守胡公遷還舊址景泰間年久堂傾萬曆元

年鄉民黃朴等集眾重修時廟制尚狹萬曆
甲辰生員陳瑾鳩金拓基鼎建大堂金飾神

像推官高維岳造神龕香亭獨大門仍舊乙
巳陳瑾同舉人何起龍等助建牌坊扁勒南

合武廟貌煥然瑾復鳩
金買田六十畝為香火需

旌忠祠
在西湖東宋丞相萊公律乾興元年
自道州謫雷州司戶歿於雷邦人立

祠祀之每歲以孟秋中元前一日行慶旦禮
事聞於朝紹興五年賜額旌忠淳熙七年通

判吳玘權州事王進之相繼脩葺梁安世記
紹定元年即守陳大紀重修教授李仲先記

端平二年通判趙希邁修桂林寺丁黼記咸
淳壬申即守陳大震更為萊泉書院復建西

館於祠之右建橫舟亭於湖之倚蓋取萊公
西館書懷野水橫舟之義也舊有祭田宋末

改隸學宮元初復改為平湖書院合寇蘓而
祀之大德辛丑廉訪僉事蕭泰登創建先聖

燕居堂於中令即學歸田以供祀事仍名平
湖書院時相授山長講學於此歲久傾圮祠

湖書院時相授山長講學於此歲久傾圮祠

東西地為居民浮屠所據至大二年廉訪使張忽里罕擴而復之捐俸屬山長李熙伯修建舉人陳嘉謨記至和戊辰廉訪副使李恪易其堂宇而新之至順三年經歷郭思誠重脩即王景賢記明朝洪武間通判李希祖修壬戌通判邢用刻像於石成化即守魏翰祠前建橫舟序亭之前鑿池鑿石扁曰瑞星池以公存時有星降於池之故也祠水開井名曰萊泉祠內東西建二坊東十賢堂扁曰名賢西祠即守秦時中扁曰名宦前建石坊牌扁曰旌忠萊公祠弘治壬戌巡撫兩廣潘蕃提兵駐雷命推官李文獻重修教授吳朝陽記嗣後守即者相繼修葺嘉靖辛丑巡撫兩廣蔡經提兵徵黎駐雷謁廟顧瞻顏祀委府重脩葉守以慶去署府事高州同知戴嘉猷代董其役值颶風作賢宦祠俱壞嘉猷竭力補葺之祠乃完美

十賢堂

在西湖之上咸淳九年即守虞應龍建以祀丞相寇準學士蘇軾侍郎蘇轍丞相趙鼎李綱樞密王巖叟編修胡銓正

字秦觀李光正言任伯雨也後專祀寇公兵燹以來堂廢併附入旌忠祠即祭寇公次祭諸賢弘治壬戌推官李文獻重建堂三間附于寇祠之左祀蘇轍以下九公槩扁曰名賢正德丙子提舉章極即守王秉良以義起立唐轉運使柳仲郢神牌於此萬曆癸未守道陸萬鍾以李綱相業第一令特立專祠以祀復附御史馮恩於名賢祠內以足十賢之數今廢

論曰祀典至重矣非法施于民有功德于民以死勤事以勞定國為民禦災捍患則弗與焉今以逋客構愆孤臣被故寄名托跡豈其

有合于數者而食報于雷乎高風可仰幽憤
宜揚次其行實列之志傳亦足以垂休照後
而發抒其抑鬱不平之氣矣乃十賢之堂濟
濟聒響談何容易也余稽舊誌與史籍攷萊
公居雷幾一年落星之池神彩注焉子由雖
復他徙然蹴雷亦久子瞻謫居儋耳而萬山
第一之題勝跡猶存且凡茅隔海唱酬意氣
猶爲相屬李綱渡瓊而天寧寺閣花三咏伏
波廟碑陰手書則徘徊顧瞻之意猶可掬也
他如趙鼎雖中興賢相胡銓雖慷慨和議李
光雖力詆奸檜總皆之萬之瓊僅一傳騷駐
足于雷燕與也任伯雨秦觀雖名貶雷足跡
未至王巖叟死後追貶與生前安置者益爲
有間馮恩假館高要竟被赦遷今不稽寶跡
艷稱十賢並尸俎且雷之祀當耶濫耶如謂
位尊爵崇則祀非以爵也如謂杜懷亮節則
宇宙間表表風猷可欽可仰昔又不止數公
也蓋雷之祀祀其有關於雷者耳執過客萍

踪飛鴻泥跡而享之牲醴已妄已誕矣并生
平一足未履死後掛名之人而槩從裸獻竊
恐僂僂甚恭馨香雖薦而數公之神不至也
妄誕將何底極乎竊聞寇李二蘓千秋畏壘
宜也趙鼎胡銓姑致景仰如任如李如秦如
馮均裁其祀各為立傳王巖叟傳亦宜裁制
祀乎柳仲郢雖謫雷實守雷也自有名宦可
八詐宜附于流寓寇李已有專祠二蘓趙胡
四賢其祀足矣何必附會稱十賢哉如是則
祭者非諂受祭者非黷對越駿奔兩無慚色
是祀典之光也余不揣愚昧僭有評騭敢質
之高明

蘓穎濱先生祠

在海康縣治西南一里許紹聖五年蘓轍謫雷州去後毛

當時慕其風烈即其故居建棲祀之嘉熙四年薛直夫於後數十步重修祠祀之黃必昌為記後廢附祀于十賢堂正德丁丑知府王秉良建為樓今廢

李忠定公祠

忠定公舊列十賢祠並祭萬曆二十年提學道羅萬程軍門蕭

彥知縣秦懋義議忠定扶床之功不在寇萊公下宜特祀生員馮文燦以祖遺秦公祠前稅地一十七畝送為祠址主簿王景督造二十二年工竣復以沒官田餉具祭品祠制始定

忠義祠 在府治東鎮定坊天順二年西寇侵

奮率民兵迎敵一日大戰柳村中矢而歿

事聞追贈通判賜額忠義弘治癸未推官李

文獻遷附秦公祠嘉靖甲申即守易秦遷復

今所嘉靖壬寅知縣楊澄重脩年久傾壞萬

曆二年即守唐汝迪重脩

秦公祠 舊在府治愷悌坊公諱時中洪武二

祀之弘治戊申即守鄧璩遷于旌忠祠右知

縣林考脩大監陳崇即守陳嘉禮繼聞置田

六十畝以供祀事

薛公生祠 在郡城內守廉坊蕪祠之東宋嘉

民去後即人立生祠以祀黃必

冒為記祠宇久廢今併名賢祠

葉公生祠 在西湖十賢祠東公諱脩號永溪

八年知雷州有惠政以疾告

歸士民戴之立祠以誌不忘

府海康附

天寧萬壽禪寺 在郡城西關外唐大曆五年

寓此愛其勝題萬山第一四大字於門宋南

渡李忠定綱亦寓於此有閣提花三絕至今

傳焉即邑慈勝堆有此寺宋末毀於兵燹元

住持石心師德璇重建洪武十五年重脩成

化間即守魏瀚以殿後雷音堂圯改建懷坡

堂即人羅璋記弘治丙辰大監陳榮復捐資

易堅材修之左右翼兩樓懸以鐘鼓山門外

監石坊勒東坡四大字於扁寺後有一覽亭

歲時祝釐咸在於此明末寺宇頽圯順治十

五年知府陸彪從朴故建尋壞康熙十年知

府吳盛漢捐貲重脩加以潤色增所未備寺
去城半里並寇祠接西湖叢林幽靜山環水
遠亦郡之大觀也明遺寺
田三十五頃三十五畝

廣濟寺 在雷廟之東梁開山僧了容叔建名
曰廣教洪武間僧隆壽改今名去城

十里與雷廟並峙嘉靖
元年詔毀淫祠廢

開元寺 唐時叔建在城南調會坊上有石塔
高五丈餘宋末寺廢元天曆間重脩

復廢遺址今為民居塔巍然屹立堪輿家謂
文筆醮墨池狀元聯及第即因號是塔為文

筆峯
本此

元妙觀 在城內鎮寧坊舊有紫薇觀宋改為
天慶觀元改元妙觀歲久傾圮弘治

丙辰太監陳榮增廣其地中建三清殿東建
城隍堂西建道紀司塑神像三十餘尊宋董

世龍余天麒元張圖南俱有記嘉靖間提學
魏校毀淫祠改為城隍廟有田一頃被民侵

佃萬曆二十七年知府郭士材同知張應中
相繼查復其田一百五十二畝重修殿宇繪

塑神像因命道士
張元桂掌管今廢

圓通寶閣 即觀音閣在郡城中正坊阜民橋
上元廉訪使卜達世禮勅建明正

統間張內使重修上有銅佛三尊銅羅漢十
八尊後太監陳榮復鑄銅觀音一尊閣高聳

清虛勝甲郡城諸剎有田八石二斗稅四十
六畝一分詳載施主碑記以供香火嘉靖間

提學魏校毀淫祠銅像發學鑄造
祭器其田召人承佃今陳氏管之

普庵堂 舊在郡城內愷悌坊浴堂之西泰定
間道人張吉移創城東滑嶺巷年久

傾圮大佛三尊移入天寧寺羅漢十八尊移
在圓通寶閣提學魏校毀淫祠銅像發學鑄

造祭器遺址占為民居堆
井一口餘地一文餘見存

六祖堂 在即城南門外調會坊元大德間即
民劉成章往南華請像安祀指揮魏

崇太監陳恭相繼修葺嘉靖元年提學魏校
毀之後坊民相率修復康熙四年士民同修

今劉氏
管之

醫靈堂

即慈濟真君在白沙社離城五里久
祀萬曆二十年知縣秦懋義重建堂

廢址
存

鎮海雷神祠

即英山廟三殿神祠原飛鍾于
東洋龍頭村自何戴二公開築

河渠圩岸創建廟宇扁曰鎮海雷司理高
葉二公濬何戴渠建碑序扁曰龍頭宮殿

秩官志

府縣屬官

府首領雜職
府縣教職

夫設郡建治必有官師雷自漢武元鼎領于
 合浦官師具矣命名錫秩代各有置治定其
 衡賢有傳不肖有傳雖所傳苦穢不同要必
 得其人論其世而後品差可定碌碌者無傳
 夫亦嘗臨長此邦撫柔此民豈其姓名湮沒
 同腐草木也雷俗淳質無大器競鳳鸞猶是
 鷹鷂亦猶是細民小怨動飛謗帖然皆匹夫
 羣詞颺起颺滅士大夫無陽秋也以故庸闇
 者拙可藏賢智者苦躅亦未易以見堂堂一
 郡開闢千載其間卓犖奇偉豈遂乏人夫郡
 邑吏無大小皆得造地方疾苦倘漫漫無傳
 為善者懈為惡者肆矣記載之典可一日缺
 哉作秩官志

雷州府

府官屬俱載府志

縣

宋以前無攷

宋

海康縣

李守柔 臨桂人 紹興年任有傳

丞 缺載

簿 缺載

李思常 查元豐間修伏波廟

尉 缺載

元 達魯花赤丹

海康縣

楊順 遂溪人

王允恭 嘉州人 遷潮州總管

鄭聞 丁未年間修學與城池至正年任

丞 缺載

尉 缺載

典 缺載

明

海康縣知縣

陳本 會稽人 儒士 洪武年任有傳

黃寅 會稽人

黃弼 會稽人

李素 廣西人 宣德年任

王祐

胡文亮 龍泉人 正統年任

王麒 太和人 祀忠義祠 天順年任有傳

丘瑄 福建人 成化年任

胡鑑 長沙人 監生

彭磐

林彥脩 連江人 舉人 弘治年任

王頃 晉江人 舉人

徐綱 宜山人 舉人

何器 長沙人 舉人 正德年任

甘崇節 涿州人 舉人

王誥 浦田人 舉人 以民訟去

李琳 廣西人 監生 嘉靖年任

白謨 武進人 舉人

蔡春 西安人 舉人 卒于官

陳佐 泉州人 舉人

郭偉 贛州人 監生 隆教授

王珏 湖口人 監生

唐侃 全州人 舉人

楊澄 宜山人 舉人

吳弘仁 浙江人 例監

易文亨 臨桂人 舉人

王繼芳 閩縣人 舉人 通判

章棟 臨桂人 舉人 俱嘉靖年任

龍察 鬱林人 舉人 隆慶年任

蔣蘊善 全州人 舉人 三年任 有傳

李邦奇 宜山人 舉人

黃守規 貴縣人 舉人 萬曆年任

郭鉞 安義人 舉人 有傳

沈汝梁 漳浦人 進士 萬曆九年任 文田被議

陳錦 漳浦人 進士 有傳

秦懋義 仁和人 進士 取忝有傳

凌奮志 宣化人 貢監

何復亨 桂林人 舉人

林日所 海澄人 進士 陸部去

鮑際明 無錫人 進士

孫弘緒 長興人 進士 調廬陵

張和 山陽人 舉人 陸順天府 管糧通判 有傳

郭之蒙 潛江人 舉人 四十二年任

彭宗舜 鬱林人 舉人

鄭之士 諸暨人選貢 天啓年任

齊文實 江西人舉人 百姓訟去

黃色中 崇陽舉人崇禎 元年任有傳

林齊聖 浦田人舉人 九年任有序

陳 璩 浦田人進士 修文廟

徐行忠 餘杭人進士 十一年任

趙桂京 武進舉人 十七年任

何運亮 晉江人進士十 六年任調南海

羅明夔 貴州舉人 十七年任

縣丞 年代無攷姑據 見在姓名依次載之

王文通

王 銓 南昌人 陞中書

周 榮

張 政 延平人監生成化 十九年任有傳

李 浩 弘治年任

李 澄

謝 恕 巴陵人監生

吳 壽 建寧人吏員 正德年任

戶 純 恭成人監生

邵 綱 楊州人監生 嘉靖年任

唐 凱 長沙人監生

呂敬夫 廣信人監 生陞審理

吳 均 永州人監生

江 浹 直隸人吏 員陞經歷

沈 華 福青人吏員

王守爵 休寧人例監

歐陽賢 恭城人監生

魏尚賢 湖廣人監生 隆慶年任

張 岵 南城人吏員 萬曆年任

周 隆 江西人吏員

程源滋 建寧人吏員

藍 階 南直人選貢

康兆蕃 福建人監生

汪元士 吏員

顧明良 監生

唐時諫 會稽人吏員陸南
京衛經歷

項世聰 龍泉人
吏員

程潛 新建人監生
俱萬曆年任

李繼登 吏員天啓
年任

璩秉銓 監生崇禎
三年裁缺

主簿

鄭伯高 洪武年任

許通 永樂年任

周淮 泉州人
監生

沈偉 順天人監生
嘉靖年任

周鳳 慶遠人
監生

趙通 山西人
監生

周富 沅陵人
監生

劉蒼 定海人
監生

李文魁

沈應龍 俱嘉靖年任

石巍 廣西人
監生

沈子惠 俱嘉靖年任

全廷良 直隸人吏員
隆慶年任

林琨 仙遊人吏員

陳洙 潛山人吏員
萬曆年任

壽秉燹

李宜春

劉夏 吏員

孫鴻源 歸安人
監生

魯大科 山陰人
吏員

鄒承伊 監生

吳燿 俱萬曆年任

周杭 天啓年任

姜攀龍 金華人
崇禎年任

典史

周漢輝 永樂年任

劉昇 弘治年任

錢縉

鄒爵 嘉靖年任

胡治 臨江人

鄭桂 莆田人 俱嘉靖年任

熊景魚 江西人

朱琦 甌寧人 萬曆年任

顏宗仁 蒼梧人

喻國忠

甘汝銓

丁天智 貴池人 陞王官

藍回春 巴陵人 吏員

余正學 天啓年任

王大輔 義烏人

國朝
海康縣知縣

許宗洙 福建晉江人 舉人 順治四年任

金煌 洛陽人 貢 十年任

張大經 武強人 貢 十六年任 降調 隨卒

歐鳳 忻州人 正德年任

王廷玉 福建人

胡秀 莆田人

陳大輝 莆田人 隆慶年任

朱鑑 蘄縣人

陳科 莆田人

黃汝治 邵武人

周良佐

王克用

魯宗興 福清人 陞汀州府倉大使

秦有為 俱萬曆年任

鍾應魁 崇禎年任

尚爾實 北直人 貢生 八年任

葉英 錢塘人 貢生 十三年任

夏日昌 建德人 舉人 康熙三年任 卒于官

吳克敬

蒲城人進士
七年任卒于官

余振翰

建寧人舉人
十年任

鄭堆

颶

處州人進士康熙二十二年
任有善政卒于官詳准名宦

縣丞

裁缺

主簿

裁缺

典史

郭繼漸

吉水人
順治十年任

吳振邦

衡水人
十三年任

徐光泰

宛平人吏員
十五年任

別壽基

陝西人吏員
康熙四年任

竇士郁

富平人吏員
康熙八年任

時來泰

江西人吏員康熙
二十年任卒于官

縣屬官

明

海康縣清道巡檢

世次無攷

冷用一

楊元發

寧化人

王鍾

歙縣人

莊

鶴

無錫人吏員萬曆
三十九年任考滿

去君官
有能

張嘉謀

西克人
天啓年任

陳弘祖

閩縣人
崇禎年任

吳承周

長洲人

胡啓祥

平南人俱
崇禎年任

黑石巡檢

朱添貴

鄭

昭

莆田人

毛宗治 內丘人

陳弘猷 賀縣人 陞王官

唐大神 余州人 朴 寶 漁 比

王汝進 福清人 萬曆 四十二年任

趙子榮 仁和人

陳廷用 晉江人

孫枝茂 長州人

劉應聘 惠安人

丁大成 合肥人 以 後 裁 革

雷陽驛丞

莫廷弼 平樂人

王京 太平人

黃兆鳳 蘇州人

聞輔 霍丘人

徐應揚 六安人

萬象春 沅陵人

鄭重 英德人

鄭義 吏員

蔣汝用 東陽人

邢思謙 宿州人

喻習湯 大廩人 今 裁 革

國朝 海康縣 裁 黑 石 巡 檢 一 員 廣 積 大 使 一 員 雷 陽 驛 丞 一 員

海康縣清道巡檢

林上春 山陰人 吏員 康 熙 年 任

張師貞 錢塘人 吏員 康 熙 十 年 任

張之詵

府縣儒學教職 世 次 無 攷

朱

海康縣儒學教諭

元

凌光謙

遷學於迎恩坊自有記

嚴櫟

主正丁未年任自作勉學記

明

林仲餘

黃麗

成儉

脫英

龍溪人

麥潤

廣州人貢

許端弘

天臺人舉人

馬騶

順德人舉人

鄭寬

浮梁人舉人

張倓

呂宗信

新昌人貢宦績

吳道賢

臨高人

熊希程

馬平人舉人

查聯芳

婺源人貢

沈琦

詔安人貢

黃傑

同安人貢見宦績

杜元亨

福寧人貢陞教授

蔡挺元

澄邁人貢

羅鎮

懷集人貢

張以禮

儋州人貢

林詔

連江人貢

王宏

高明人貢

劉琮

邵武人貢

謝嵩

番禺人舉人陞知縣

郭復

舉人陞知縣

徐肯播

江西人貢有傳

徐察

邵武人貢

鄒瑗

南昌人貢陞教授

王之道

朝陽人貢

李儀 鬱林人貢

鄭灝 瓊山人恩貢

劉芳 保昌人貢

趙楫 東莞人舉人

葉萬齡 新興人貢

李寵章 江西人貢

霍子衡 南海人舉人累陞袁州知府
崇禎十八年大兵入廣全家死節

蘓成性 儋州人十一年陞
本府儒學教授

陳卿 長樂人貢
崇禎十一年任

訓導

黃自序

趙孔進

李安中

楊惟政 海康人

郭文澤

聶深

顏源 廣西人舉人

方榮

胡玘

陳金 柳州人

徐昱 龍溪縣人

林岱 連城人

王鐸 永嘉人

余廷相 新會人貢

吳深 同安人貢
陞教諭

馬惟亨 清流人貢
陞教諭

童萬鍾 甌寧人貢
陞教諭

李廷儒 瓊山人貢
陞教授

劉和奇 吳川人貢

陳暨 高要人貢

路希堯 瓊山人貢

尹思怒 東莞人貢

國朝

海康學訓導

王正典 潮陽人貢

楊天植 南海人

丘民象 電白人貢

黃煥陽 河池人貢萬曆年
陞灌陽縣教諭

鍾鳴韶 歸善人貢

洪有獲 定安人

盧萬傳 南寧人

嚴民表 韶州人

蔡應堯 瓊州人

吳鉞 廣西人

譚仲 高要人

關弘異 順德人貢

嚴毓元 歸善人貢

蔣起元 晉江人選貢
順治八年任

陳而偉 南雄人貢教
諭奉裁回籍

崖州學正陞
廣州府教授

梁殿桂 高要人貢

黃昂 長樂人貢

賴膺達

蔡雲煊 番禺人貢康熙
十九年設復教

諭二十三年陞
廉州府學教授

黃豫

分鎮 守道
右廉訪使
俱載府志

學校秩祀職官總論

論曰學校為首善地庠序設人始知有學
崇祀興而三禮敦也庶官任而正教舉也

辟雍鍾鼓之化柴望肆覲之典盛世之芳
規班班可考豈非學校之不可廢秩祀之
不可紊職官之不可曠者哉舍此三者而
體國經野之弘猷無從見耳蓋明倫莫先
於學校出也負耒入也橫經農之子可化
爲士泮宮之俎豆畢薦馨香矣若夫郊廟
之式靈百神之呵護顧可忽乎禋薦有其
期品物有其序不諂不嘖而錫祐彌隆洵
邦家之福也至於建官分職大小相維法
廉相持以之主事而事治百姓安之百神
享之文治紹興教化宏敷牧民者非所有
事乎則一邑如此天下可知

名宦志

夫仕宦而梯榮苟祿沾沾肥身家者衆矣當時
快意沒即泯焉乃流曜垂休名蔽天壤此今昔
之所艷而纓笏之所重也夫豈可以無實盜得
者哉鴟飾鸞音虎文羊質三尺童子辨其非類
駑蹇之足題於驛驢燕人之石竇烏荆壁千載
公心亦自難混夫惟有其實者實其名必施媿
之質斯可稱為淑媛非龍淵之鋒不足語於剗
割故宦亦多術矣實心實政未必美名飾虛矯
偽未必不名屈法以媚權紳足恭而下豪士即
其人生平羞對聖賢而翕訛之譽往往隨之執
法而問強猶持平而扶寒峻即其人品行可埒
夷由而群小之愠或不免焉則其相傳以勒之
志乘而稱為名宦者果盡出於華袞之公而不
恭以愛憎之口舌也然則居今而評往宦何道
之操亦惟循名以責其實而已夫宦績所樹大
鄙不越廉明公正剔蠹釐奸惠和幹辦興利除
害數者果通才卓越或一節挺持廉愛有徵興

別有據是真績也前名之今亦名之緇衣之好
安敢誣也反是而覽其詞則美究其實則恥是浮譽
也前名之今不敢名之觀場之和何敢效也雷
財賦不饒於潮商市不湊於廣疆土不拓于瓊
交黎征廢害先中之自昔號魚龍之鄉遷謫者
時至止焉此而得名斯亦難矣余何忍苛求哉
第聞之千里比肩百世隨踵賢固未易多也驚
鳥累百不如一鶚賢亦何必多也不然瑕瑜雜
收真似混列濁醇而博廣大之譽模稜而標清
靜之稱將竒偉卓犖之士羞與焉伍而有識者
竊笑之矣是傳志之耻也余雖憤憤固別淄澠
據雷殘本反覆參訂增芳汰蔓求於至當大意
寧精毋濫寧實無虛鑿以天地質諸鬼神而已
固不敢襲謬踵訛侈為觀也作名宦志
縣傳

宋

李守柔字必強臨桂人紹興間為海康令弭盜安
民時趙鼎貶雷州守柔待以故相體秦檜聞之

坐十年不調檜死始改郤佐除新州卒

明

陳本會稽人洪武二年由儒學薦知海康縣事時
當草昧剋公字別井間編集版圖優恤孤老流
移者悉爲之所遠近歸附七十餘家毀淫祠崇
正祀農桑搖役尤加之意堤渠汙岸靡不修築
卒於官囊無餘資民奔賻爲賢令首

王麒雲南太和人天順二年知海康縣事性剛毅
才守並卓時值兵亂攻苦茹淡不安寢席疫作
死者萬計給官木立義塚瘞之流賊招擄募勇
敢協剿有功後於那栢村獨祀賊鋒中天而歿
詔贈本府通判建忠義祠祀之

論曰卓哉王公真民父母施棺瘞塚人可能
也親冒矢石以死禦賊不可能也千秋萬祀
談者歎歎令尹如公屈指幾人朝廷優以崇
爵所以勸忠僅贈通判報何薄也嗟乎如公
者當時生死且不置念身後虛秩豈以介意哉
蔣蘊善全州人隆慶間知海康縣事介然甚恭無

媿阿態愛民如子常祿外毫無苟取剖決案牘
吏不敢欺隆慶四年海賊突至衆心震恐蘊善
便服登城督兵守禦時叅將坐視不出往論之
曰安有身為將而賊至巽縮者干城之謂何叅
將愧悚甫踰年以憂去士民慕之

郭鉞安義人舉人萬曆初知海康縣事寬而廉加
禮學校諸生有屈于公庭力為伸之以保障為重
建十里舖築墩臺以禦寇四境晏然士詣省闈
厚以將之恤里老毫無橫征尋陞別駕

陳錦漳州人進士萬曆初知海康縣事行政五載
愷悌廉潔念文運不競拔其雋者為之程親為
品薦登賢書者相繼憫里閭弊力為節省流移
未復招以集之歲戊子蝗災已丑潮災錦軫民
瘼請蠲徵十之三率徐遂所助夫夾修汙岸捍
海長堤賴以鞏固士民立碑志思

余懋義仁和人進士萬曆中知海康縣事性寬而
敏甫下車值鹹潮決堤躬行踏視申請官銀三
千餘兩脩而完之編脩林承芳記振起人文建

文昌閣於學以培風氣尚書王弘誨記諸生有註
誤力為剖雪士民歌頌擢貴州道御史

黃色中崇陽人舉人崇禎二年任海康縣知縣賦
性明敏文叅案牘一過目剖決毫無留難清教
年之積逋令行若流水烏作養士類勤課不輟
嘗對諸人士言曰下山和尚不敬僧不佞之所
不為風清公庭吏立冰雪關節不到時人擬之
包老云

林齊聖福建莆田人舉人崇禎九年知海康縣事

天資明慧加意作人訟獄當前片言而決省刑
薄賦不事鞭笞遇旱修省步禱時雨立應民甚
德之尤工於詩賦治政之餘手不釋卷著有二
蘇雷僮集并各祠廟祭文對聯諸書不能盡述
前志缺載今增入以備博採
教職

明

黃傑同安人初任麻城訓導有善教聲及遷海康
教諭三辭署印操若冰霜貧生有所餽必曲辭

之設會課割俸以饌士荷陶鑄者甚多在麻城
已入名宦雷人士復立碑以志不忘

徐肯播靖安人任海安縣學教諭性端敏接諸士
詞色溫如立會課親加品騰嘗署徐聞縣事寬
嚴得體政無鉅細稟理為裁苞苴一無所染士
民誦之

霍子衡南海人舉人崇禎庚午署海康縣學教諭
器量宏廓才學深沉饒學校端風化多士受其
甄陶師嚴道尊以明倫為己任非僅從事于會

課之末諸生偶有餽遺置而不問後累官江西
袁州府知府有善政聲值變歸杜門不出明道
學以正人心丁亥年大兵入廣全家死難事載

廣府志錄

廉訪 守廷俱載府志不錄

流寓志

楊子曰往者東走逐者亦東走東走則同其
所以走則異流寓亦然愼主負譴正直忤時
至雷則同其所以至則異故夫君子東國則

小人至雷小人擅權則君子至雷雷陽一片
地固世道升降之會也然君子至雷雷人士
仰之若祥雲慕之如威鳳授餐假館奔走無
數甚且畏壘尸祝倚以爲重小人至雷則眈
若鴟鴞戒甚禱杙惟恐去不遠避不速其沉
其淳又何知焉嗟乎屈伸顯晦秋蓬也電火
也千秋萬歲而下贊慕與唾毀不泯若此孰
得孰失孰榮孰辱無論達人君子自有遠識
即奸子有知回首一思噬臍何及舊志遷謫
一類並載忠邪無別查肇惠志獨傳賢者余
做之作流寓志

寓賢

唐

李邕字秦和江都人少知名父善嘗注文選釋事
而忘意邕附事見義故兩書並行既冠見特進李
嶠願讀秘書得假直閣未幾辭去嶠驚問與篇
隱軼了辨如響嶠驚曰子且名家遂以文章顯
拜左拾遺會中丞宋璟劾張昌宗等及狀武后

不應邕立堦下大言曰璟所陳社稷大計陛下
當聽后色解即可璟奏中宗時五王爲武三思
所殺邕坐善張柬之貶雷州司戶叅軍後召拜
殿中侍御史彈劾任職人頗憚之元宗卽位姚
崇疾其險躁左遷括州司馬起爲陳州刺史帝
封泰山還邕獻賦帝悅會仇人告其贓貸枉法
下獄當死許昌男子孔璋上書訟得減死貶遵
化尉流璋嶺南邕妻溫復爲邕請戍邊自贖表
入不省後從中人楊思勗討嶺賊有功徙豐州
司馬歷淄滑二州刺史上計京師竟以讒媚不
得留出爲北海太守天寶中左騎衛兵曹掾勸
有臯下獄邕嘗遺勸馬吉溫與宰相李林甫因
傳以臯詔御史羅希奭就殺之時年七十林
甫以詩哀之代宗廟始贖秘書監

王琇唐貞元中爲戶部侍郎判諸道鹽鐵推酒不
事橫歛而軍旅獲濟名重劉妻爲韓洸所啣誣
其醜米淄青河中坐貶雷州司戶叅軍既至會
計倉糧振捄荒歉民甚德之

宋

寇準字平仲宋真宗時拜相澶淵之役有大功爲
王欽若所譖罷知陝州王旦薦之起爲樞密使
時三司使林持有寵附會愼邗準患之以是復罷
後再入相爲丁謂所阻貶相州再貶道州司馬
無公字以居百姓聞之爭荷瓦木不督而成真
宗元興元年壬戌二月卒四月丁謂誣準朋黨
再貶雷州司戶叅軍始入雷境吏以圖獻閱至
郡東南門抵海崖十里公愕然曰吾少時有詩
云到海只十里過山應萬重乃今日事耳人生
得喪豈偶然耶及丁謂貶崖州道經雷家人欲
報讐乃杜門使衆酒飲博俟謂行遠乃止仁宗
元年癸亥九月準卒初太宗得通天犀命工爲
二帶一以賜準至是準遣人取自洛既至數日
沐浴具朝服束帶北面再拜呼左右趨治卧具
就榻而沒歸塋西京道出荆南公安縣人皆設
祭於路折竹植地掛紙錢焚之踰月枯竹盡生
筍衆爲立廟號竹林寇公祠後追贈中書令復

萊國公謚曰忠愍

論曰萊公面折拂鬚一事世以爲謂開釁之始不知正直之行不悅非道正萊公人品所以不可及也雷陽司戶原有定數豈謂得而主張之過海之詩瑞星之落歷歷可驗世好以禍福論人其爲脂膏鄉愿之行是萊公之辜人矣至於用人不次例薄不收爲國進賢退不肖者幾能如此公忠否若官居鼎鼐無地樓臺清風凜凜盆罕儔矣張益州以不學無術少之嗟乎使公深于術烏安知不僞言僞行以取媚於世而百鍊鋼化爲繞指柔哉又烏能使千載之下所在畏壘尸祝若斯也寧爲真人品無作假道學如公者早已置得喪于度外矣蒸羊一逆飲博杜門聖賢學術豈是過也余于萊公實欽慕焉

蘇轍字子由眉州人與兄軾齊名哲宗朝爲門下侍郎同列李清臣策進士欲黜元祐主豐熙轍力陳元祐未嘗不行先帝法且引漢昭改武帝

事爲言哲宗不悅落職知汝州章惇來之邵復
誣論其不忠自少府監分司南京徙化州安置
於雷章惇令流謫人不許占官舍郡人吳國鑑
於城南造舍居之惇又以強占民居下州追治
以儼券甚明而止凡軾自惠州安置昌化軍相
運於藤同行至雷居數月而別唱和賦詠具見藝文
任伯雨權給事中半歲之間凡上百餘疏既而欲
劾曾布布覺之徙爲度支員外郎入黨人籍後
蔡京爲相怨臺諫論已再貶雷州安置於昌化軍
秦觀字少游有詩名與蘇軾友善爲太學博士以
軾薦至編脩國史章惇誣其增損實錄貶雷州
同時流徙者一百二十人且立碑端禮門謂之
邪黨長安石二安民當鐫字辭不肯鐫恐得罪
後世聞者媿之

李綱字伯紀卽武人自其始祖居無錫政和二年
進士積官至太常少卿時金人渝盟欽宗受禪
爲尚書右丞與耿南仲不合及徽宗南幸還京
議調防秋之兵南仲沮止之未幾以綱專主戰

議落職金兵再至悟和議之非召綱行次長沙
率師勤王未至而都城失守二帝蒙塵高宗即
位拜尚書右僕射兼中書侍郎上十事擬姚崇
要說力諍張邦昌僭逆當罪謫而憎恤死義諸
臣恭奏邊事乞降哀痛之詔上皆洪之尋為黃
潛善汪伯彥所沮御史張俊遂劾綱買馬招軍
之辜詔罷之許翰言綱忠義太學生陳東言潛
善伯彥不可任綱不可去於是殺東罷翰落綱
職居別州復徙萬州建炎三年十一月力疾行
赴瓊莞次海濱渡海上有伏波將軍廟綱遣子
宗之攝祭默禱生還當書東波所作碑文在瓊
三日以赦還次雷陽書蘇碑於廟并紀其事於
碑陰為紹興二年除觀文殿大學士尋罷復起
赴行在奏事時張浚罷相言者以其失事引漢
武誅王恢以比綱力救之九年卒年五十八贈少
師官其親族十人通志肇志

趙鼎高宗朝兩為丞相有功於國為秦檜所憾罷
知紹興府徙潮州再貶吉陽謝表有曰白首何

歸悵餘生之無幾丹心未泯誓九死而不移寓
雷陽後之萬州卒焉宋中興賢相以鼎爲首
李光叅知政事爲秦檜所惡罷官安置于藤州再
貶瓊州道出雷陽後移彬州而卒

胡銓字邦衡廬陵人建炎二年擢進士第五人後
爲樞密院編修官紹興八年金使至以詔諭江
南爲名銓上書力排和議乞斬秦檜王倫孫近
三人頭竿之藁街檜以銓狂妄凶悖謫監廣州
監倉明年改僉書威武將判官十二年諫官羅
汝楫劾銓飾非橫議詔除名編管新州同郡王
廷珪以詩贈行坐流辰州十八年新州守臣張
棣訐銓與客唱酌謗訕恚望詔送海南編管道
經於雷二十六年檜死量移衡州登南恩望海
臺賦詩而後行自號澹菴老人乾道初爲工部
侍郎七年以資政殿學士致仕薨謚忠簡

謹按李綱趙鼎徙萬州李光胡銓貶瓊皆道
經於雷雷爲之立傳益慕其名而爲之於雷
何與焉舊志所載姑存之

馮恩直隸華亭人由進士任監察御史嘉靖壬辰
年彗星見東井恩疏論閣部諸臣爲門庭腹心
之患乞誅朋奸誤國者而大指斥右都御史汪
鏊詔下錦衣獄榜掠數百痛而殞都督陸松灌
以良藥得甦獄上移法曹柄事者媚鏊當恩大
辟癸巳年會審闕下鏊例主議操筆東西坐諸
囚跪西向恩獨北向列校牽使西恩厲聲曰吾
此膝跪朝廷耳豈爲鏊屈耶鏊怒推案詬曰汝屢
疏殺我我今殺汝矣恩大呼曰聖明在上生殺
皆天斷豈容權臣無忌憚至此鏊攘臂跳跟若
將下毆者恩益大呼曰汪鏊擅權我恨不能手刃
以報上左都御史王廷相慰恩曰馮御史毋動
氣祖宗百六十年來未有殺諫官者詎令今日
有此又止色謂鏊曰汪先生宜爲國惜體如先
生言是以私意殺人矣鏊愈怒遞書情真而起
恩囊三木挺身出長安門士民聚觀者如堵嘖
嘖言曰是御史若口若膝若胆若骨皆鐵也相

與緝四鐵御史刻所與鋹爭辨語鬻之市四方
有使爭購以歸時鋹猶必欲殺恩賴肅皇帝仁
聖特詔免刑於是得不死繫獄三年長子行可
年十四屢疏乞以身代父其母吳圃鬪擊登聞
鼓訟寃皆不報行可晝夜哭長安街攀諸貴人
輿以訴諸貴人不忍見聞每望見必疾走甲午
行可刺臂血書疏自縛詣闕乞死道政陳經引
以上請肅皇帝憐之命法曹再議刑部尚書聶
賢都御史王廷相謂恩罪在狂妄無死法而行

可乞代父情可矜詔免死戍雷州士大夫聞者
咸舉手相慶太史劄字益羅洪光程文德題四
德流芳卷贈焉謂君仁臣直母慈子孝也恩著
詠亦富丁酉釋歸穆皇帝即位奉遺詔錄忠賢
恩年已踰七十即其家拜大理寺丞致仕行可
亦以京兆終養子時可登辛未進士是年卒肇慶
志按馮公挺挺氣槩聞者興起但雖謫雷實
未至雷雷傳之可也祀議未安

樊玉衡楚黃岡人由進士授廣信府推官擢御史
性彊直敢任屢劾權貴者請皇長子出閣講學

拂上

旨謫無爲州判稍遷全淑知縣時國本未建閣
部臺省皆以爲請上意未決衡以舊受國恩奮
不顧身上疏極諫請亟舉冊立冠婚大典願并
斧鑕爲出位戒疏上未報忽戚畹別有所牽懇
激上怒特旨樊玉衡等妄指官禁干撓典禮
永戍雷陽衛椒人傾城攀泣名其草疏處爲翼日
索肖像鬻東戶祝之衡即日挈襆被跨驢揮手
而別既抵雷惟携仲男維甫閉門思咎薪粟下
繼風雨飄搖澹如也雷廉陽電諸生多游其門
說古講藝不輟前後督撫戴公燿周公嘉謨張
公鳴岡巡按沈公雲卿周公應期田公生金及
臺省鄧公漢姜公性皆屢會疏薦不報其長男
德陽知縣鼎遇再疏伏闕願代父戍亦不報衡
父子往來寓雷幾二十年泰昌元年恩詔列名
召用天啓元年春兩廣督撫陳公邦瞻巡按王
公尊德合疏請蒙恩起刑部福建司主事疏辭
不赴惟陳時政急務十款蒙俞旨報聞三年冬

因李男海鹽知縣維域奏最疏乞致仕蒙恩加
陞太常寺少卿次年六月卒崇禎元年夏督撫
吳江李公布政常熟陸公按察使晉公潘公督
學江夏董公攝海北分守安溪李公分守海北
南漳浦吳公用嘉靖中建言謫戍馮御史恩例
先後下其議雷州府崇祀名賢祠并傳入府志
而陸公有苦節精忠昭回日月作配敦蘇允足
生色借光忠義照耀簡編及吳公有宿瘴飡風
廿四載精神炳若賜環解組千秋後節義凜然
貫日孤忠凌霜傲骨以之從祀入志真可垂後
光前等語蓋衡建言謫戍歷廿四載年逾七十
就家拜少常未赴而卒其生平直節偉抱自李
官歷西臺而後若判無爲尹全椒皆以披鱗折
檻左遷落職未竟厥施至於謫戍困苦流離間
閱萬里而壯志不渝精神彌旺自忠愍文定而
下未易倫也並祀名賢流光史冊爲無忝云于

崇禎戊辰之仲秋日郡守蜀嘉定范得志撰

按忠節之士忤讒觸抑被謫至雷者業傳之矣其他如唐崔彥融于敏宋蔡攸係蔡京子

陳自強係韓倪胃童稚師袁潭明之審果李
璋俱以巡撫戎雷王果以戶部尚書戎雷寓
居於肇歲世蕃係張君正子以吏部侍郎弄權
成雷張嗣脩係張君正子以父勢中一甲戎
雷及續有姓名未改者姑不詳之可也惟奸
和一二始以雷害人旋踵還以自害天報
甚速附記於此以昭世鑒了謂字公言宋真
宗時以寇準薦得恭知政事性儉和奸佞常
為準拂鬚準笑之遂懷仇隙後準對帝言丁
謂錢惟演皆佞人也不可輔太子謂知益啣
之及平章國事遂與太后謀貶準道州司馬
真宗卒再貶準為雷州司戶叅軍謂益恣橫
權傾中外獨王曾正色立朝思欲罷之仁宗
初謂克山陵使謂信和言遷陵穴有水王曾
因力疏其包藏禍心太后怒甚欲誅謂馮極
救止貶為崖州司戶叅軍仍以謂臯布告中
外初謂今宋綬草準責詞宜用春秋無將漢
法不道綬不然之及謂貶綬即草詞曰無將

之戒舊典甚明馮極並相謂當秉筆欲貶準
焉初謂時好事相與語曰若見雷州寇司戶人
崖州而忽自疑不詳載謂亦貶極即擬謂崖
州當時好事相與語曰若見雷州寇司戶人
生何處不相逢人皆不欲報應之連謂至過雷
準遣人送以蒸羊仍不為家僮報仇謂至過雷
上書乞還乃止徙雷內地張錫疏謂奸邪弄
國不宜內徙乃止徙雷內地張錫疏謂奸邪弄
子厚與蔡人熙寧間以才見任元豐為門下
侍郎與蔡人熙寧間以才見任元豐為門下
度欲誅元祐舊臣誣謗宣仁聖德廢出賢后
爰立幸妃置詔獄于掖庭兇邪讒慝於世無
比右正言任伯雨論其竊柄罔上毒流縉紳
陰逞異志宜誅之不報會臺諫陳災升等復
極論之遂貶雷州初蘇轍謫雷惇不許占官
舍遂僦民屋惇又以強奪民居下州究治以
僦券甚明而止室是惇問舍於民曰前蘇
公來為章丞相幾破我家今不可也後徙睦

州而死陸升之言事坐置雷傑張氏屋以居因所居隙地構亭歸堂自作記詩文頗有
存於言升者但李光貶瓊作私史其子孟堅與升之言謂升之遂訐其事陷光父子時論薄之
謹按流寓一傳雷陽地極日南即尚書所云
荒服三百里蠻二百里流是也罪人安置之
鄉即名賢至止之地臣子不幸遭竄謫孤踪
萬里流落天涯視身席要津畫錦長安者有
間其人之臧否自不可沒焉若宋之蘇冠任
李明之馮樊或盡忠獲罪或被讒見疑瘴海
揚波風平則止炎嶺千雲霧消見日人生得
喪豈偶然哉百世後吊逋臣者毋乃譏人主
之失德乎雖然不足為人主病適足為奸人
害良者立一大公案耳自古和正不兩立忠
佞不為謀有丁謂章惇之奸乃顛寇準蘇轍
之賢有蔡京汪黃之佞後識伯兩李綱之忠
馮恩鐵面以汪鉉之朋奸而彰樊玉衡之敢
言由咸晚之懇激而見人世之富貴榮華如
秋蓬電火不及瞬而旋逝豈若此傲骨孤忠
生氣凜凜於萬禩哉後之不得志於時者當

砥行礪節以自暨為可久無徒作長沙之淚
則幾矣邵人洪泮洙志

兵防志

營署
哨堡

營制
屯田

營墩
軍官

哨船
衛所

武鎮

方內繡錯文以董之武以震之兩者未可偏廢也歷代兵防制不相同其因時酌宜要以為疆宇之又安而已雷居邊海需武尤急明代既立之衛復設內伍所又添設水四所星列碁峙稱環拱矣奈三百年來執袴子弟徒擁虛名流弊至末季大夫立衛所之初意虛耗可勝言哉欣逢

國朝相地置守分列轄汛制度盡善舉一雷而天下可知作兵防志

營署

協鎮府在府治東即明代雷州衛係古南漢州

治元宣慰司舊址向未有衛治屯戍無定洪

武元年戊申始改為雷州衛五年立雷州衛

指揮使司隸廣東都司七年指揮張秉彝朱

永周淵創前後二廳各五間前扁曰德威東

西庫房經歷司儀門大門左右吏宅俱備歲

久圯壞嘉靖四年指揮張傑重建後廳五年

復建儀門旗纛所六房吏宅二十二年奉

撫蔡經委傑督建

時此撫蔡公征黎駐節于雷見衛廳事又顏乃委府

同知張際佑計發官銀七百餘兩盡易鉄力木建造焉

年久颶風後堂

廊房吏舍俱頽倒萬曆三十八年本衛署印

指揮楊勳重脩迨崇禎末至丙戌丁亥間僞

海康伯李明忠改為大加營建我

國朝建設副總鎮雷改為府轅門左右鼓亭廳

崖巍然宏壯矣

左營都司公署

係舊衛經歷司改在府治東

右營都司公署

係廟指揮舊宅改在北門閔帝廟後

左營守備公署

係民房改建在府治東

右營守備公署

在北門朝北

營制

雷協除前營制已入府志內不開外自康熙十

二年起額設副將一員管轄所屬左右徐聞

遂溪海安白鶴寨錦囊七營原額官兵四千

七百二十一員各官坐馬一百一十四匹戰

馬一百八十匹哨船二十九隻陸續奉文裁

臧副將坐馬四匹又裁去左右兩營都司二員坐馬八匹議留中軍都司一員坐馬三匹又裁右營千總一員并坐馬二匹又裁遂溪營守備一員千總一員把總二員并坐馬十匹戰守兵一百二十二名又裁錦囊營守備一員千總一員把總二員并坐馬十匹守兵一百二十二名徐聞把總一員并坐馬二匹海安營哨船十隻各營共裁戰守兵一千八百七十九名今康熙二十五年各營共實在官兵二千八百三十一員名各官坐馬八十一匹戰馬一百五十四匹戰船一十九隻副將一員坐馬八匹駐駱府城管轄中軍左右

徐聞海安白鶴各營寨

中軍都司一員坐馬三匹駐劄府城管轄左右

兩營

左營

原額設都司一員中軍守備一員千總二員把總四員馬步戰守兵七百一十三名坐馬

一十九匹戰馬九十匹除陸續奉文抽撥及
點汰缺減戰守兵一百四十三名下補外尚
官兵五百七十員名戰馬六十三匹至康熙
二十三年內奉

旨差

內大人暨

撫親臨踏勘本營地方裁去都司一員并坐

馬四匹步戰守兵一百八十名議留左營守

備一員坐馬四匹千總二員坐馬各二匹把

總四員坐馬各二匹馬步戰守兵三百九十

名議撥錦囊營守兵二百二十二名遂溪營

戰守兵二十三名歸併本營充額共實在官

兵六百四十二員名戰馬六十三匹駐劄雷

州府城分防本營所屬山海要隘

右營

原額設都司一員中軍守備一員千總三員

把總四員馬步戰守兵七百六十八名坐馬

二十二匹戰馬九十匹除陸續奉文抽撥及

點汰缺減戰守兵一百六十名不補外尚官
兵六百一十七員名戰馬六十四匹至康熙
二十三年內奉

旨差

內大人暨

撫督提親臨踏勘本營地方裁去都司一員坐馬

四匹千總一員并坐馬二匹步戰守兵一百

八十七名議畱存營守備一員坐馬四匹千

總二員坐馬各二匹把總四員坐馬各二匹

馬步戰守兵四百二十一名連撥遂溪營戰

守兵二百一十四名歸併本營充額共實在

官兵六百四十二員名戰馬六十四匹駐劄

雷州府城分防本營山海要隘

沿邊臺墩

海康縣東界臺

雙溪口砲臺一座週圍濶一十八丈高一丈

六尺坵屋三間茅竹營房一十六間

淡水港臺一座週圍濶六丈高一丈四尺坵

屋一間茅竹營房四間

赤尾嶺臺一座週圍濶六丈高一丈四尺坵

屋一間茅竹營房四間

調嶺港臺一座週圍濶六丈高一丈四尺坵

屋一間茅竹營房四間

西界臺

流沙港臺一座週圍濶二十八丈高一丈六

尺坵房三間茅竹營房一十四間

洪排港臺一座週圍濶六丈高一丈四尺坵

房一間茅竹營房四間

房叅港臺一座週圍濶六丈高一丈四尺坵

房一間茅竹營房四間

英翎嶺臺一座週圍濶六丈高一丈四尺坵

房一間茅竹營房四間

海康縣烟墩

東鄉烟墩 至府五里

烏石烟墩 至府六里

調陳烟墩 至府七里

臨沈烟墩 至府八里

大臨烟墩 至府九里

石頭烟墩 至府一百里以上俱係左營撥兵守

總喉烟墩 至海康所九里

徒房烟墩 至海康所五十里

郎島烟墩 至海康所三十里

吳蓬烟墩 至海康所五里

博袍烟墩 至海康所二十里以上俱係海康所撥兵守

武鎮

雷地三面環海北軫叢山水陸交衝故武備

不容不急明代衛阮森列額軍數千名以屯田

而兼守禦矣復設叅將一員坐雷控廉監以

道憲更以白鴿寨設欵依把總一員司汎海

汎監以郎丞統轄千總帥稟節于督府皆雷

之屏蔽不可一日缺者也查創置時日考肇

志景泰初設左叅將分守高肇雷廉四府嘉

靖三十三年都御史應楮疏分雷廉屬海南

右叅將帶管至隆慶四年總督凌雲翼疏稱

惠之碣石寨琼之白沙寨雷之白鶴寨三府
皆有陸路叅將即以水寨就近分屬甚便又
云烏兔寨雖近珠池雷廉叅將委官領兵船
十移駐海康自無他慮裁革烏兔得官兵一
千五十四爲新設陽電叅將之用據此則雷
廉叅將必設于嘉靖末年而白鶴欽總爲隆
慶年間所建可推也官秩爵里耳目所知水
陸信地兵艦糧糧之數則班班在冊

國朝順治八年初定雷州罷鎮守叅將革衛
所指揮千百戶于雷州設協鎮副總兵一員
置左右都司左右都司各統有守備千把總
仍於舊衛屯糧設守備一員掌理其餘軍旗
俱革海康所康熙三年裁遷八年展界未有
定員俱雷協撥守備千總帶兵汛守

明代雷廉叅將 世次無考

鍾崑秀 宜山人

張裕 廣州人

門崇文 桂林人

戴冲霄 紹興人

王寵 廣州人

張弘舉 晉江人

梁高 南京人

謬印 直隸人

陳濠 紹興人

晏秋元 漳州人

張可久 太倉州人

張瑄人 晉江人

夏尚志 常德人

濮朝宗 南京人

周印

陳君臣 福建人

黎郭耀 漳州人

梁鵬

楊應春

南京孝陵衛人 武進士 萬曆三年 二年以副總兵署參將 三次征黎 有傳

孟英聘 晉江人

趙世臣

陳兆蘭 東莞人

朱國勳 杭州衛 副總

吳宣猷

泉州永曆衛人 乙丑武進士 崇禎十一年任

蔡奎 福建漳州人

國朝雷協副將

汪宗弘

順治四年三月同黃海如開雷 九月海如叛率兵屠城 宗弘失守 夜奔 尋降職

先啓玉

四川人 縱兵 害民 參議 陳嘉善 劾 奏 伏 誅

喬增遷

陝西清澗人 田行 伍 順治十一年任

韓

進 山西人 康熙二年任

韓孟之

由正紅旗 康熙五年任

伊承祖

係鑲藍旗 康熙七年任

宣有才

遼東遼陽人 係鑲紅旗

譚提元

湖廣荊州府巴東縣人 由武舉 以都督僉事 康熙十年任 康熙十四年從叛 十六年歸 正

十七年復從西逆就
年又歸正卒于雷

潘拱宸

北直嘉興人武進士康熙十七年任

安守正

陝西由將材康熙二十三年任簡朴廉靜兵民相安以疾卒于官藁篋蕭瑟士

民哀之捐助
扶觀歸籍

左營都司

賈應禎

寧武所人由鑲紅旗順治十貳年任

王元素

北京人由生員順治十四年任

趙昇雲

陝西人由將材順治十七年任

李自蕃

紹興府人由武舉康熙四年任

楊太

遼東人由戶部通事康熙七年任

白如棟

遼東人由刑部通事康熙十年任

王得功

吳德濟

南直人

李嗣弼

江西人

左營守備

姜應登

天成人由行伍順治十二年任

王雲廠

沂州人由行伍順治十五年任

崔三道

河南人由行伍康熙六年任

右營都司

李三成

太原人由行伍順治十三年任

喬

山東人由行伍順治七年任

趙國斌

順天人由武進士順治十八年任

楊華

遼陽人由正黃旗康熙八年任

曹天綬

南直人康熙十一年任康熙十四年從楊逆叛出海

徐飛 雲南人武舉康熙十七年任二十三年緣事革職

右營守備

鄭萬全 潮州人由行伍順治十四年任

黃英鑑 陝西人由行伍順治十八年任

錢方起 江南人由武進士康熙六年任

郭文王 襄陽人康熙二十二年任

二十三年緣事革職

屯田

雷州屯田自明洪武二十八年始內伍所各撥

伍百戶全伍外四所各撥三百戶全伍每百

戶總旗一小旗十軍百合九所三十七百戶

計四千一百四十名不分旗軍人給田地二

十畝耕種指揮楊豫奉例踏勘本府拋荒田

地八百二十八頃八十畝照數分給之此屯

田之初額也人給種子一石總小旗各給牛

一隻軍二名共給牛一隻每歲二十畝除存

米十二石自餘水餘納細糧六石總計應得

糧三萬二百六十四石此屯糧之初額也每

二十畝約收稻穀四十六石零稻以二石五斗得米一石各旗軍于所收數抽稻三十石箕月糧十

二石又存種一石餘稻一十五石該納細糧六石

順天間本府被徭亂盡撤屯種旗軍回城守
禦田給民陸科收籍成化間復立屯後千戶
所以鎮守石城不立原屯五百戶革回衛左
右中前四所各革二百戶回衛分屯三外四
所各革一百戶回衛分屯二合八所二十百
戶旗軍二千二百四十名種屯田地四十八
頃應納糧一萬三千四百四十石但屯久廢
田歸于民所重設皆荒瘠耕者逃亡過半奏
奉勘合豁糧六千八百五十二石七斗三升
餘糧仍不克額旗軍頗納嘉靖五年丙戌指
揮張傑掌印申請撥守城餘丁頂補逃亡承
種每名照派田二十畝納細糧二石每畝科
一斗名曰減科然此法立屯軍皆假托逃亡
避重就輕而弊孔愈開糧額愈折矣萬曆三
年前所亡政屯軍符通與民徐京爭告丈剩
陸科米六石七斗二升四年樂民所新增米
九石零七升萬曆九年奉文清丈陸增共糧
六千六百零一石六斗六升至二十五年糧

復不足本府清軍萬同知奉道文將田地分撥舍餘各給下帖承種然有有田者有執空紙者有荒瘠不可耕者官舍望空賠糧二石初五十餘石有多至一百餘石一年一派憑所書受賄作弊倭彼倭此官舍困苦更倍于軍矣告本道行廳清出弊源豁免舍糧內四所屯老各以輸認水四所尚須着意清刷原制三分兼收二分本色一分折色每石折銀三錢後各軍告累准盡徵折色萬曆三十七年奉文改徵本色軍病之紛紛若告仍准折徵此明代三百年之利弊也我

國家定鼎以來雷以干戈擾攘軍戶死于盜賊繼于流離十之八九故軍亡而屯廢迨康熙元年三年遷界衛官奉裁屯田棄於界外不復知有屯矣今展界設衛所漸復官職而招墾有令牛種有給廩幾漸次講求而收屯政之效於邊荒如殘雷也

明代內四千戶所屯每所百戶三員甲軍各三

百三十六名每名派田二十畝共田地六十
七頃零二十畝每畝派糧三斗一千戶所共
糧二十零一十六石此各所大凡也後甲軍
逃亡多寡不一田地荒失不齊故糧之減折
各所互異除以前無誌可查考其舊志載萬
曆九年共糧四千一百三十六石九斗九升

擬舊志書于
左以俟採擇

左所三屯一百戶張紀屯萬曆九年清
全減科糧二百四十石零七斗七升見在
屯軍七名共種田地一頃四十畝納全科

糧四十二石在屯餘丁舍餘九名頂種絕
軍田地一頃八十畝納減科糧一千八石
剩田地一十八頃二十畝派在城餘丁九
十一名頂種應納減科糧一百八十二名

土名調松溪 那草坡 崗蓬溝 那院坡
那奏市 邊邊塢 軍吳塢 仕禮坡

草隴坡 那錦毋
海康所一百戶張文良葛鑑二屯田地四十
八頃十畝貫徵糧伍百五十八

正石

已上右所三屯并海康所屯俱屬海康縣
土名故志之餘屯係遂徐土名不錄

軍官

明代雷州衛指揮使同知僉事衛鎮撫及各所
 正副千百所鎮撫等官陞遷降調無定額亦
 無定員榮其身而食其祿承襲三百年矣
 國朝定鼎明代世襲俱革今仍譜其職銜并姓
 氏世次相承與廢瞭然可稽不泯其世澤也
 指揮使

孫誠山陽人正統十二年調雷孫輔誠子

孫瓊輔子孫鑑瓊子孫繼宗鑑嫡孫

孫良臣繼宗子魏讓汾州人正統八年調雷

魏榮讓子魏懷信榮子魏鑑信子

魏震鑑子魏國英震子

王弘大興人成化元年調雷王達弘子

王濬達孫王淵濬弟王秉式淵子

王源秉式叔王秉恭源子

蔡瑜揮同蔡昂子成化元年陞蔡金瑜子陳

蔡晟金弟蔡禎晟嫡孫

白毅永平人賜名白天順間以錦衣衛指揮同知陞調雷州

白英毅子白鈺英子白翰紀鈺子歷

副總兵子成文
降襲指揮同知

宋德 宋賢孫正德六年
由樞同陞

宋廷珪 德子

胡鑑 濬子由
副千陞

胡洪 鑑子

胡松 洪子 王威武 守臣子

指揮同知

張秉彛 石首人洪武
二年調雷

栢榮 湖廣人成化十
年調雷

栢高 榮子

栢泰 高子 栢鳳 泰子

栢凌藻 鳳子陞
指揮使

栢維實 漢子 栢承茂 實子

栢茂芳 承茂弟

徐詠 江都人永樂
十三年調雷

徐政 詠子

徐曛 政子 徐鏞 曛子

郭欽 含山人永樂十
四年調雷

郭讓 欽子

郭奇 讓子 郭震 奇子 郭勝 震子

郭霖 勝子 郭昇 霖子 郭大經 昇子

郭祖懋 大經子 郭鈇 祖懋叔 郭朴 鈇堂弟

蔡鼎 信陽人宣德
二年調雷 蔡啓 符 蔡禎 禎子

蔡夢熊 符姪 蔡應旂 夢熊
堂侄

王遂 見武 王戡 遂子弘治末
以妄殺革襲

宋賢天順間由金事陞使

張雄武定人成化元年調雷

張璿雄子

張熙璿子陣亡有傳

張傑熙子

張大用傑子

張願大用子

張順願弟

張汝繼汝繼弟

馮欽遵化人成化十三年調雷

馮環欽子

馮佐環子

楊茂弼子由陞

楊君柱傑子

福壽福錦

王琦政子由副千陞

馮文焯征錄陞

馮秉鏞文焯孫

胡紹忠揮使胡松子

胡秉衡守忠弟

魏峯國英子

魏繼勳峯侄

魏崑振唐叔子

白成文翰紀

白成名成文弟無子叔翰綱養異姓子白成仁冒襲事

世職遂廢

宋天祿桂子

宋名儒天祿從弟

白繼勳俊子

白如璧翰子

白如璋璧弟

白鶴鳴如璋子

魏繼宗 崑子 魏可樑 宗子 馮名世 萬春子

相為臣 茂子 郭偉 朴弟 郭翰 偉弟

蔡應旌 弟 宋耀 名儒 胡應麟 秉衡子

指揮僉事

周淵 朱永 趙興 洪武年間調雷

趙雄 興後 趙鑑 雄後 趙鈺 鑑後

趙漢 鈺後 趙輔 漢後 趙廷舉 輔後

趙文炳 廷舉子 趙夢鳳 文炳子 凌謹 洪武山人

十五年調雷 凌雲 謹侄 凌雲 雲弟

凌鑑 雲弟 凌雷 鑑子 凌晟 雷子

凌碧 晟子 凌珠 碧弟 凌廷用 珠子

凌師貞 廷用子 凌鳳鳴 師貞子 凌鹿鳴 鳳鳴弟

凌登瀛 鹿鳴子 宋安 山東登州府寧遠人 洪武年調雷

宋英 安子 楊豫 當塗人 洪武二十八年調雷 見武功

楊勝 豫子 楊經 勝孫 楊弼 經子

楊立興 居柱子 楊勳 立興子 顧雲 見武功

顧琦 雲子 顧賢 琦子 顧以錫 賢子

顧浩 以錫子 顧邦徵 浩子

楊洪 三年亭人調雷 成化 楊縉 洪子

楊瑚 縉子 楊璉 瑚弟

文盛 遼東人成化三年調雷 文彬 盛子

文昊 彬子 文景 昊弟 文應祥 景子

文濟武 應祥子 文輔明 濟武子 王世爵 貢子

馮涇 明弟 馮權 涇子 游鈺 涇子 游鈺 霸州人

年調雷任 游龍 鈺子 沈基

沈鑑 基子 張慶 張文彬 慶弟

張宏 彬子 張震 宏子 王廷輔 同知琦子

梁國賓 應光子 梁拱極 國賓子 梁拱辰 拱極弟

錢朝賓 朝相弟 錢大成 朝賓子 錢應選 大成子

顧煌 邦禎子 張琦 繼虞侄 文為憲 輔明子

衛鎮撫

吳寧 洪武年任 陶昂 顧成 揚州人洪武二年

十九年謝雷 顧觀 成子 顧讓 觀子

董祥 宛平人宣德十年調雷 董亮 祥子

董玉 亮子 董鑑 玉子 董朝 鑑子

董文炳 朝孫 潘能 定行人正統六年調雷

潘志能子潘敷志子潘清敷子

潘杞清子董良猷文炳子

左所千戶

劉旺陽山人永樂十五年以正千戶調雷劉綱旺子

劉鈺綱子劉聚賢英子劉聚璧聚賢弟

劉安仁聚璧子劉紹功安仁子梁成壽州人

梁元成子梁應雲元子梁應光雲弟

王政安子王廷臣廷輔弟王承建廷臣子

王廷祚承建子韓勝大興人貴後韓恭勝後

韓俊恭子韓一夔俊子韓一鶚夔弟

韓希琦鶚子韓極希琦子胡中銅城人成化元

年調雷胡濬中子吳能賢子嘉靖元夔

沈陰鑑子沈陽陰弟沈仕賢陽子

沈維忠仕賢子黃陰廬州人任神電衛副千戶嘉靖二十三年調雷戰亡

黃繼勳陰子黃中理繼勳子沈文河維忠子

左所百戶

鮑旺徐州人洪武二十年調雷鮑恩旺子

鮑忠恩子鮑學志忠子鮑學疇忠嫡孫

潘成 合肥人 洪武二十七年調雷

潘鑑 成子

潘仁 鑑子 潘良 成後 潘德明 良子

潘恩 德明子 潘瀾 恩子 潘國材 瀾子

王吉 寧波人 宣德二年調雷 王福 吉子

王安 福後 王瑩 沈平人 正統九年調雷

翟廣 瑩後 翟錦 廣子 吳聰 成化年間調雷

宿仁 南直隸合肥人 宿瑛 仁子 宿傑 瑛子

馮廣 原籍衛徽人

右所千戶

吳端 天順年間襲 吳廷佐 端子 吳琛 佐子

吳桂 琛子 吳璽 桂孫 吳宗伯 璽子

右所百戶

汪澤 高陵人 汪鈺 澤後 汪漢 鈺子

李實 徐州人 李鑾 實後 李秀 鑾後

李景陽 秀子 徐官德 吉安人 洪武二十七年調雷

徐茂 德子 徐文輝 茂子 徐履垣 文輝孫

徐履矩 垣弟

中所千戶

王真 直隸人 永樂十八年調雷

王昂 真子

王賓 昂子 王秉權 賓子

王燿 秉權子

王舉芳 燿子 王俊 平谷人

王英 俊子

王廷佐 英子 王舉藩 舉芳堂弟 曹

政 淵子

曹子英 政孫 曹文彬 子英子 曹

偉 文彬子

戚俊 鄆州人 弘治九年調雷

戚徽 俊子

戚元勳 徽子 嘉靖二十七年襲

中所百戶

陳相 蘄州人 正德九年調雷 戰七

陳蔡 相子

徐應龍 懷安人 嘉靖十四年調雷

鄧元勳 總旗 鄧真子 戰亡 蔭子 一級

前所千戶

岳申 泰州人 永樂年間調雷

岳宗泰 申後

岳琦 泰子 岳一峯 琦子

岳凌霄 一峯子

岳陽 凌霄子 岳登之 陽子

馮高 敬子

馮欽 高子 馮溥 欽子

馮世榮 恭子

馮文舉 世榮孫 馮德純 文舉叔 馮舜仁 德純子

岳萬倬 登之子 馮宗漢 舜仁子

前所百戶

馮保延平人洪武二十一年調雷

馮泰保後

馮恭溧水人洪武二十一年調雷

馮敬恭弟

張鑑陸安人宣德七年調雷

張英鑑子

張希哲英子張文式希哲子

鄭斌浙江黃巖人永樂十年

鄭以敬斌六世孫

前所鎮撫

程思黃岡人程廷芳思後程鵬芳子

程紹勳鵬子程克勤紹勳子

後所百戶

錢旺巢城人洪武九年調雷 錢通旺子

錢海通子錢永海子錢和永弟

錢鏗和子錢源鏗子朱得冷肥人洪武二十七年

侯成山陽人永樂二十年調雷

侯景成子弘治年間襲 馬興壽州人宣化元年

劉剛陝西人洪武二十八年調雷

劉雄剛孫劉昇雄子劉瓚昇弟

劉澄瓚子劉大用澄子劉以義用子

劉世良 義子 劉孔昭 良子 劉逢大 孔昭叔祖

李榮 鳳陽人 洪武二十年調雷 李貴 榮弟

李英 貴子 李通 英子 李盛 通子

李福盛 子 李秀 福子 李景陽 秀子

李宗武 景陽子 李師舜 宗武子 領銀 供省打造逃

李元爵 萬曆七年 由鎮撫陞 李棟 元爵子

李天麟 棟子 萬曆四十四年襲 李杰 師舜子 崇禎十年襲

劉世俁 逢泰子 四十四年襲

後所鎮撫

李福 門封人 洪武三十七年調雷 李通 福子

李荃 通子 李瓊 荃後 李榮 瓊子

李昌 榮子 元爵 功陞百戶

海康所千戶

孫友 益都人 孫興子 求樂年襲 孫廣 友孫

孫誠 廣子 孫真 誠姪 弘治元年襲 孫鑑 真子 龍衣 回未任

孫時器 鑑子 孫瑚 時器子 孫光祖 瑚子 萬曆二十一年襲

張霽 震堂弟 襲降 千戶未任 張寬 霽弟

張霽 寬弟 萬曆四十年襲

海康所百戶

張信

鳳陽人洪武十六年調雷

張文卿

信後

張璘

信後

張文良

璘子

江深

門封二人洪武

年調雷

江正

深後

江寬

深後

何遇龍

定遠人洪武二十一年調雷任

何榮

龍後

何文盛

榮子

蔣忠

高郵人洪武二十二年調雷

蔣文賓

忠後

曹成

鳳陽人洪武二十五年調雷

曹淵

吳源

思州人洪武二十年調雷

吳景

源後

吳文彬

景子

王瑛

山東定陶人永樂十

八年調雷

王舒

瑛子

王剛

王梟

剛子

王鏘

梟子

王朝

鏘子

王國成

潮子萬曆二十三年襲

王家相

國成孫

謝義

定遠人洪武年間調雷

謝大成

義後

謝元輔

大成子

衛所

雷州衛五代時屬南漢兵制無考宋開寶辛未

潘美平南漢始置雷州軍即城東北隅立澄

海清化兩翼指揮統兵鎮守衛自此始紹興

已卯廣西提刑王孝先請於南門外置經畧
水軍寨以制沿海寇賊元至元戊寅立海北
海南宣慰司時朱國瑤領軍鎮改兩翼軍爲
萬戶府置萬戶二員統之壬戌改宣慰司爲
都元帥府屬湖廣行省明洪武戊申征南將
軍廖永忠平嶺南詔制立衛於府治命指揮
張秉彝率千戶王清歐陽昌鎮守壬子復以
衛隸廣東都司領左右二千戶所丁巳設前
後二所戊午添設中所辛酉調前所於廣州
守禦石康調後所於高州守禦石城戊辰調
千戶杜福等領軍鎮雷廉統五所甲戌廣東
都指揮花茂奏於沿海增設所軍防海是年
安陸侯吳傑都督馬鑑偕花茂至雷探進丁
夫克軍額相三縣要地設海安海康樂民錦
囊四守禦千戶所咸隸于衛蓋明代衛所即
鎮守防禦而統操軍以捍衛城池今鎮守設
立協府等官而雷州衛與海安錦囊海康樂
民四所設一守備二千總則尚督開屯也

雷州衛原設經歷一員裁缺不載

國朝掌印守備

蕭賢福建人治順十二年任孫之諤武昌人十四年任康熙初年裁

史記京衛人武進士康熙十年任康熙八年展界復設

海康樂民所千總一員

勲烈志 武烈 武功

武夫受命疆場職在捍禦無事而雍容大

平靡所表見一旦寇禍發于原野而機會

迅于斯須全軀避難之臣與奮臂急公之

士始蒼素別焉濟則功成而身不必死武

之幸國之幸也不濟則殞首隨之雖于國

事無救而寧烈烈死無泯泯生亦足以報

君命而光日月矣彼偷生禽息不待電火

竟亦稿項牖下視馬革沙場者千載猶生

芳臭竟何如哉嗟乎兵凶器戰危事將死

官也為武士者時時不惜死而後可以無

死即白首以功名終可耳作勲烈志

武烈

虞輔國李憲俱宋時任澄海將軍紹興八年海

寇陳旺攻雷南城輔國憲與郡守議曰今賊

勢方熾宜力戰以折之守則禍深戰則禍淺

盍戰諸郡守難之再三復以死請遂開南門

而出自朝至午戰數十合輔國歿焉憲愈奮

厲戰至暮亦歿寇不得入乃縱火而去郡城

獲全

馮彬作二將軍傳二將軍何虞輔國李

逸余憫其喪元邊域繼轍雙忠火湮罕有知

者故為之傳按趙宋中沿海多寇雷設澄海

軍以彈壓之輔國憲俱任將軍材畧智勇並

雄一時且能以意氣相許有賊陳旺者連結

島彞撫海為亂犯雷攻國郡城時二人統兵

守城郡大夫乃撤外蔽繕垣堞閉諸門為自

固計二人詣郡言曰公欲守耶輔國等武列

請有戰耳旺海賊陸戰非其長技今登岸長

驅直擣城下目中豈有雷耶吾欲歛鋒避敵

彼必團結營壘野掠以自給環而攻之城之

危可立俟莫若乘其未集急戰以挫其銳彼

知城內有備必不敢久也守則禍深戰則禍

淺吾請戰矣大夫曰彼眾我寡如力不敵何

輔國曰眾寡勢也虛實機也善守者不執執

而廢謀善戰者下昧機而制敵今乘其勢之

未定相機而憾之勝則城可保敗則賊必懼

策之上者也大夫猶難之輔國請至再四憲

復曰公之難者意憲等徒勇無謀耳夫封疆

之臣當死封疆今子城不堅人心洶湧與其

城陷而就擒孰若死敵以全城乎余計決矣

公率無惑乃開南城出與賊戰自辰至午圍
數十合輔國被重鎗斃焉憲曰虞公既死吾
何生焉圍益奮屬至暮憲亦死寇見二將敢
死知城中有備乃縱火解圍而去城竟全鳴
呼若輔國與憲者
謂非義烈之士歟

劉震贊人莫不死死利社稷雖身冒鋒刃膏
腐沙磧猶凜然生氣與世無極彼卧

病床第以艾炙額當未死時奄奄微息小哉
丈夫何足惜二公之死竟保一城厥功偉矣沒

有餘榮國史未
附州乘聊徵

王成平河門軍校素驍勇號帽兒王先西粵患

徭成嘗戴皮帽衝擊莫當其鋒人或有假其

帽以戰者賊望之必驚潰因號帽兒王至正

壬辰徭復侵雷未至元帥張不兒罕字溫領

兵邀擊之賊乃間道徑抵城下攻犯西門大

恣焚掠勢猖獗甚城幾危李溫領軍還與賊

戰成奮刃先馳連斬數馘賊知為成大潰城

賴以安成乘勢追之餘賊潛發毒矢中成死

軍民塑其像於黑神祠祀之後神堂廢成祀

亦廢

陶鼎鳳陽人洪武二十一年任本衛右所鎮撫

巡視陸路兼管海道時有倭賊數十艘揚帆

海上將犯郡境鼎肅隊伍備之賊登武即塲
岸鼎馳擊之一鼓合戰手刃數人賊潰回帆
而遁數日賊耻其敗泊馬湖塘誘戰鼎益奮
烈督軍士攻之竟陷沒

王鈺山東人襲指揮僉事素善射弘治乙卯領
兵征信宜發矢連斃數賊賊潰俄而風雨驟
作賊乘風鼓噪而前鈺厲將士酣戰日暮天
盡會泥濘馬蹶中槊而死同死者十餘人土
大夫多賦詩哀之

白毅永平府昌黎人歷功陞錦衣衛都指揮同知
以事註誤調雷州衛指揮同知值倭賊入境
毅領軍殺賊屢戰有功後於竹叢尾村孤軍
抵賊斬獲甚多賊衆幾潰偶被殺贈本衛指
揮使

張熹任本衛指揮同知正德間海賊猖獗入港
劫掠民艘時倭倭者怯弱分巡李擇可哨捕
者委熹督之熹舍戰艦坐民艦以誘賊賊悉衆
來攻大戰沙頭洋勝之奪回民舸二熹恃勇

復追賊至牛村港賊舟繼至遂夾攻熹熹無
援且矢盡竟陷賊死同沒者亦衆李僉憲哀
之親致祭焉

甘肅州人正德九年

為中所百戶

陳相百戶自廣西調于雷輕便勇敢隨軍調守
陽春鳳凰寨時陽春山賊猖獗乘夜來攻相
督兵拒之兵潰散相挺身力戰殺數賊竟為
賊所殺

韓恭左所副千戶隨調瓊州府征叅賊保結營
之敗陷而亡

王鼎中所正千戶保結營之敗與恭同死于賊
吳賢百戶同軍征廣後山十三村賊賊設寨隘
固賢勇先登被刺死事聞陞副千戶

文帶海康縣民驍奮絕倫天順中猛賊侵境帶
克義勇領兵禦賊每戰皆捷賊避其鎗後與
賊大戰于白沙坡被鎗死人咸哀之瘞于白
沙坡題義勇塚今存

李茂才東莞人南頭守備果毅有謀隆慶元年
十二月晦督兵麻演與賊曾一本夜戰至元

旦辰援兵不至敗死英魂不散人往往見之
萬曆六年郡人請祀于忠義祠分守鄭魁其
議遣知縣郭鉞詣茂才死所送其魂而立之

王道成晉江人白鶴寨把總勇而能謀時雷海
多警道成沙頭一戰闔郡為之歎美及倭抵雷
城下道成晝夜防守寇竟不敢犯城後奉調
追寇于電白亡于陣當路惜之祀忠義祠

胡松自少孝友長以勇聞時海賊突至松赴海

北道告牌買舟募士督陣船追捕賊於滂沙
港身與賊戰鼓衆陷陣竟死于敵御史徐題
請陞其子紹忠一級給田以贍其墓

王廷輔素有介操勇畧過人嘉靖三十年毛賊
犯海康城輔統軍督戰身先犯敵矢盡力窮
竟歿于戰當道嘉其義給田以產

崇禎間陞
祀於忠義

祠給田
以祭

黃隆左所副千戶隆慶五年掌錦農所印值倭
寇犯城鋒銳莫禦衆皆散潰隆獨挺身力戰
遇害事聞于朝陞其子繼勳一級

孫瑚海康所正千戶萬曆十八年掌所印時賊
李茂餘黨殺掠海洋瑚率兵駕船往禦自卯
至申擒斬四十餘顆身退忽颶風起陷而殞
院道嘉其義獎而恤之

潘恩左所百戶隆慶四年海寇猖獗恩率軍防
汛遇賊於沙頭洋奮勇赴戰中鎗而亡當道
憫之給其塋事

楊豫采石人由袁州衛鎮撫陞雷州衛指揮僉
事性嚴毅不受私謁築城壘督屯田軍士附
之征龍水賊擒斬李敬宗餘級甚多永樂三
年備倭海道飭張秉彝石首人洪武間以指
揮同知調鎮雷州時大兵之後人民潰散百
度廢弛彝招徠撫戢歸附日衆寇竊發擄千
戶王清勦之擒其黨七十餘人地方以寧又
闢城濬池建立衛所析屯田諸營砌濠橋勞
勩非一後征廣西有功捕高涼叛賊羅燕陞
水軍衛指揮使行時父老遮於道

蔡鼎信陽人本衛指揮僉事正統初掌衛政守

法奉公不憚勞勩建衛治脩鐘樓葺城浚隍
整飭營所規制煥然一新

張傑指揮同知性喜翰墨有逸趣視篆二十餘
年勤慎自勅當飭建衛治煥然改觀徵屯糧
斗斛不侵士卒愛戴以老致政屏跡公門鄉
飲舉大賓亦武弁之杰出者

栗養志榆林人順治十三年官高雷廉總兵先
是山賊王鑑據樂民山中爲寇遂溪南昌人
鄭昌又殺鑑而據其穴盡招石城吳川之惡

少無賴者四出劫掠每掠鄉村盡驅男婦而
梏之以取贖賊火遍於近縣而守將莫敢出
救栗公時以星誤思過既被命勦賊乃檄舟
師環其外而聲言師期賊退守南昌而故久
稽不至賊守益懈南昌與石城之麻水村隔
海港爲其後戶賊於遂之大路設柵數重公
以一晝夜自石城馳從麻水渡海道入其巢
賊倉皇出不意遂斬昌據其巢穴搜捕餘黨
釋所繫男婦千有奇獲諸盜奸闖梟黠者悉

斬之石城遂溪二邑之民共慶安枕始知有生人之樂後以海寇曲指二曲指三王新明等叔西海與投誠黃占三表裏爲奸粟鎮督師捕賊併執占三雷西之盜巢遂空
名宦流寓兵防勲烈總論

論曰朝廷建官分治文德武功相需蓋其殷也士君子學古入官樹宏猷於當代垂勲名於奕世以下負所學者不負天子固所甚願即遭時不幸被謫遐方而白壁無瑕流風遠

播下亦快乎於以壯天南之鎖鑰固社稷之苞桑者文武均有責焉荒徼之地防衛不可不嚴墩堡有備器械有備靖伏莽而清海氛綢繆於未雨之先者其道不踰乎此守成之後不忘創業之初又安之時當思持危之士功成汗馬不可忘也績在封疆伊可念也因名宦而思流寓因兵防而憶勲烈後之仕斯土者觀舊績而勵新勲馳驅王國克壯厥猷無子人以印累綬若之譏歟願相與免之

